



باق
۲

لحود و مقابر عتيقة قالوغي



جدید موزہ ہاؤس دائرہ سنک پلانیدر



مُؤَدَّةُ الْمَايُونَ

الْحُجُودِ وَبِقَائِرِ عَشِيْقَتِنَا الْوَحْدَانِ



معارف نظارت جلیله سنک امریله طبع اولمشدر .

استانبول — (مهران) مطبعه سی

۱۳۱۰





تاریخ محاسن جهانہ زیب آور اولان جلوس میامن مأنوس
جناب خلافتناہیلری یوم مسعودندن برو ممالک محروسہ المسالك
شاهانہلرینک ہریوزدن ترقیات کاملہیہ مظہریتی امرندہ انواع
مساعداۃ و عنایات سنیۃ ملکہدارانہلرینی بیدریغ بیور مقده
اولان پادشاہ کثیر الاثار و شہنشاہ مکارم شمار ولی نعمت بمنتمز
ولی نعمت عالمیان شوکتلو قدرتلو ((غازی عبدالحمید خان ثانی))
افندمن حضرتلرینک سایۃ ارشاد و عاطفت شہریاریلرندہ موزۃ
ہمایونجہدہ فوق المأمول اثار انتظام و ترقی نمایان اولمشدر.
ناقابل تعداد اولان مآثر جلیلہ و جسیمۃ حضرت خلافتناہی
میانندہ موزۃ ہمایونک دخی بویلہ انظار تماشا کرانی قماشدیرہ جق
برپارلاقلق پیدا ایتمی تقدیسات بنہایہیہ سزا اولان موفقیات
معالی ایات جناب تاجداریدن بولنمسیلہ معرض تحمید و تشکر دہ
ہرنہ صورتلہ ادارۃ لسان ایدیلہ جک اولسہ بونعمتک ذرۃ شکر اتی
اولسون ایفا مسئلہ سنک ینہ امکانسزلقدن قورتیلہ میہ جغنی
شہہ سز کوریرم.

ماضیہ ارجاع نظر ایدہ جک اولورسہ ق موزۃ ہمایونک

احوال ابتدائیه سنی پک ساده بولورز . بوندن قرق اوج
سنه اول یعنی هجرتک بیک ایکوز آلتش التی تاریخنه عائد
وقایعدن استنباط ایدلدیکنه نظراً او تاریخنه طوبخانه عامره
مشیری مرحوم فتیحی احمد پاشا اله کچن آتیقه لری ضربخانه
اتصالنده واقع حربیه انباری اتخاذا ایدیلان (سنت - ئیره)
کلیساسنک بر جهته جلب و جمع ایلمک همته بولنش ایدی .
تاریخ و مسکوکات فنلرینه اختصاص تامی جهتیه زمانک
فریدی صاییلان صبحی پاشا مرحومک معارف عمومیه نظارت
جلیه سنده بولندیخی هنکامده بر موزه تاسیس وتشکیلی تصور
وتصمیم ایدیلهرک اجداد معالی نژاد حضرت خلافتناهییدن
فردوس آشیان ابوالمغازی سلطان محمد خان ثانی طاب ثراه
حضرتلرینک عهد سلطنتلرنده وفتیحی متعاقب هنروران اسلام
معرفتلیله درسعادته الک اول وجوده کتیریلان وطرز لطیف
معماریسی انیوم جلب انظار بدایع پرستان ایلمکده بولنان
(چینیلی) کوشک موزه هایون اتخاذا یله حربیه انبارنده کی آثار
عتیقه مذکور کوشکه نقل اولنمش واندن صکره ممالک شاهانه نک
هر طرفدن پیدرپی ورود ایدن آثار او میانه ادخال وعلاوه
اولنهرق اثر حمایت و عنایت جهان قیمت حضرت خلافتناهی
ایله موزه کیت کیده توسع ایلمشدر .

حمایه فیضوایه جناب شهریاریلرینه مظهریت شرفیه بختیار
اولان هر اثر خیرک شان ترقیات نشان حضرت جهانبا نیلرینه

موافق بر مکملیتی اکتساب ایتلرنده کی آرزوی جلیل مکارم دلیل
ولی نعمت بینتینک ایجاب ایتدیرمکده اولدینی نتایج حسنه
جمله سندن اولمق اوزره کچن ۱۳۰۵ و ۱۳۰۶ سنه لرنده معرفت
عاجزانه مله صیدا قصبه سنده یکر می بر عدد لحدک کشف و ظهوری
موزه ایچون بر دوره اعتلا تشکیل ایلدی . هربری برر نمونه
بدایع اطلاقنه سزاوار اولان بویکر می بر عدد لحدک فن
هیکل تراشی نقطه نظرندن حائر اولدقلری نفاست واهمیت بوکون
اوروپا مالکنده بوصنعت دقیقه ومهمه نك هر درلو غوامضنه
واقف اولنلرک تحت تصدیق واعتراف لرنده بولنمش و السنه
اجنبیه ده انتشار ایدن بر طاقم جرائد و رسائل اصحابنک بوکرانبها
آثاری توصیف یولنده بالدفعات املا ی ستون ایلملری دخی
بو حقیقتی مؤید اولدیغنه نظراً اولبابده دلائل زائده سردی
بیلزوم کورلمشدر .

صیداده وقوعبولان کشفیات وتدقیقاتک نتیجه مفیده سی
اولمق اوزره کمال حیرت ومفخرتله دسترس اولنان آثار مذکوره
عسیر واپور هایونیه در سعاده وچینیلی کوشک پیشگاهنه نقل
ایدلیدیکی زمان کوشکک بونلری استیعاب ایده بیلملری شویله
طورسون هر برینک قتالوقده تعریف اولنمش اولان جسامتلری
ایجانجه کوشک قپوسندن کچیره بیلملری دخی ممکن اوله میه جفی
اکلاشلمسنه بناء کیفیت عتبه علیای مراحم احتوای حضرت
پادشاهی یه عرض اولنه رق شایان بیوریلان مساعدۀ مخصوصه جناب

خلافتپناهی منظوق منیفه توفیقاً صنایع نفیسه شاهانه مکتبی فن
معماری معلمی اولوب بونا نازک صنعتده کی اقتدار ومهارتی پک
چوق آثاریه اثبات ایدن والوری افندی طرفدن ترتیب اولنان
پروژهیه کوره چینیلی کوشک قارشوسنده مجدداً بر دایره انشا
اولنش و مؤسسات عالیّه جناب پادشاهی میاننده شایان ذکر
و ثنا اوله حق بر طرز دلنشینده وجوده کتیریلان اشبو دایره نك
الت قاتنه ذکر اولنان لحدلر وضع وتنظیم وبونلردن بعضاری ده
صنایع نفیسه شاهانه مکتبی هیکل تراش معلمی مهره ارباب صنایعدن
اوسغان افندی معرفتیه صورت مکمله ده تعمیر ایدیلوب کچن
۱۳۰۹ سنه سنده دایره مذکوره رسماً وتیناً کشاد اولنمشدر .

بالخاصه شو صوک بش سنه ظرفنده پیدرپی موزّه هایونه
چلب و جمع ایدیلان آثار عتیقه ونفیسه اولقدر تکثرا یلمشدر که،
بونلرک عموماً موقع تشهره وضعی ایچون بواکی ابنیه نك بیله
عدم کفایتی حس اولنمغه باشلامشدر دیه بیلیرم. ایشته شوترقیاتک
ایجابات طبعیه سنندن اولمق وزوارک اویوزدن ده استفادات
معنویه سنه خدمت ایدلمک مقصدیه آثار موجوده نك تعریفاتی
متضمن بر قاتالوق ترتیبی موافق وارزوی معالی ارای ولی نعمت
بیمتتی یه مطابق کورلمسیله اشبو قتالوغک فرانسیزجه سی موزّه
هایون مأمورینندن ژوبن افندی یه تحریر ایتدیریلرک ترجمه سیله
برابر ساحه انتشاره وضع اولنمشدر .

آثار عتیقه دن بعضارینک تعریفاتی صره سنده کوریلان

تعبیرات اجنبیه واساطیره عائد بعض کلمات واسامی عیناً قبول و درج ایدلمش ایسه ده بوفه نسبتی بولنمیانلرک ادرک حقایقه دوچار مشکلات اوله جقلری ملاحظه ایدیلهرک دفع تردد و اشتباه ایچون اشبو اثرک ذیلنه برده لغاتچه ترتیب و علاوه اولندی . قاتالوقلرک ترتیباتنه صیداده کشف اولنان لحدلردن ابتدا اولنوب بونسخه یی ده برطاقم اجزا تعقیب ایلیه جکدر (*). سوزه ختام ویرمزدن اول ذکر اولنان لحدلرک صورت ترتیباتنه عائد اولان بر دقیقه مهمه یی ده عرضه جرأت ایدر مکه یکی موزه دائره سنک ترتیبات داخلیه سنی ده دنیانک همان هیچ بر طرفنده اتخاذ اولنماش بر طرزه افراغ ایلمک نیت خالصانه سنده بولندیغمدن موضوع موقع تشهیر اولان لحدلرک وجوده کتیرلدکلری ازمئه مختلفه ایله هر دوره کوره صنایعک اکتساب ایلدیکی طرز تحولات و ترقیات بشقه بشقه نظر دفته آله رق اولوجهاله هر برینه بر موقع تعیین و تخصیص قلمشدر .

خلاصه کلام موزه هایونک بو کونکی کونده یالکز موزه دینه بیله جک برحاله دکل ، اوروپا موزه لری درجه سنده فیوضات و اعتلایه مظهر اولسی و یوماً فیوماً ترقیاتی ارتر مقده بولنسی هر کونی بر عصرلق محاسنی جامع بولنان عهد جلیل حضرت

(*) طبع اولنان اشبو قتالوغک مکملیتی ایچون شمذیک موزه باغچه سیله چینیلی کوشکک صحنه سنده موضوع بعض لحد و قبارتمه مزار طاشلری دخی بالاتخاب موضوع بحث اولان آثاره تذیل والحاق ایدلمشدره

خلاقیناھینک علویت قدر و شانیلہ متناسب احوال مفتخرہ دن
بولندیغی مقام تحدیث نعمتدہ تکرار و مفروض عہدہ عبودیت
و صداقتمز اولان دعوات تمادیء عمر و عافیت و توافر شان
و شوکت جناب ظل اللہی بی بووسیئلہ متیمنہ دن بالاستفادہ
برقات دھا تذکار ایلہ تزین لسان عبودیتشعارہ مسارعت
و بدایت مأموریتلرندن بری انوار افکار معالی اثار حضرت
خلاقیناھیدن اقتباس شعاع معرفتله اولبابدہ معاونات جمیلہ
ابرازندن خالی قالمیان معارف عمومیه ناظری دولتلو زہدی پاشا
حضر تلرینک ہممات واقعہ ترقیپرورانہ لری شایان تشکر اولدیغی
بیان ایلہ دوام موفقیات ممدوحہ لری تمنیاتنہ مبارک ایلرم .

موزہ ہایون مدیری

ذی القعدہ سنہ ۱۳۱۰

عمدی



مدخل

موزۀ هایونده موضوع موقع تشهیر اولان آثار عتیقه میاننده لحد کی مزار طاشلری کی ملل و اقوام قدیمه نك اصول و مراسم تدفینه تعلق ایدن آثار باشلیجه ایکی صنف اعتبار اولنه بیلیر .

برنجی صنفی لحدلر
ایکنجیسنی آز قبارتمه لی مزار طاشلری تشکیل ایدر .

ادوار مختلفه ده وجوده کتیرلمش و محال و قطعات مختلفه ده بولنوب جلب و جمع ایدلمش اولان بونوع آثارک هربری تدفینه دائر ملل و اقوام بیننده جاری و مرعی بولنان مراسم و اصولک برر تصویر تاریخیسیدر .

بالاده ذکر ایلدیکمز ایکی صنفدن اک مهمی لحدلری احتوا ایدن صنفدر . زیرا بولحدلر ، هردرلو احوالده بزی اعصار سالفهیه سوق ایده بیلیمک ایچون بر بدرقه فیض و سلامت اولان تاریخه استناداً ترتیب ایدیله جک اولور ایسه ، هیئت مجموعه سنک اک قدیم (ایونیا) دور صناییسندن (بزانتین) صنعتی زمانه قدر کذران ایدن ادواره متتابع برسلسله تشکیل ایلدیکی کوریلور . بونلر ایچنده صنعت نقطه نظرندن اک قدیم

بر زمانی ارائه ایدن آورلده ظهور ایلان طوپراقدن معمول
 و رسملی اوچ عدد لحددرکه بوکون بونلره مشابه کوریله بیلجک
 آثار پارسک (لوور) موزه سنده موجود ایکی پارچه دن عبارتدر.
 موزه ده بولنان لحدلر ایچنده قدم اعتباریله ایکنجی درجه ده ذکره
 شایان اولنلری صیداده کشف و اخراج ایدیلان و (ساتراپ)
 و (لیسیهن) و (نوحه کران) و (اسکندر) ناملریله دیکرلرندن
 تمیز ایدن مشهور لحدلر درکه بونلر قدیم یونان صنایعی نمونه -
 لرندن و قبل المیلاد بشنجی و دردنجی عصر لرده وجوده کتو-
 ریلان آثار دندر. بونلری متعاقب ینه بو عصر لره تعلق ایتکله
 برابر اوچنجی عصرک صنایعنه ده شمول و ارتباطی بولنان
 (آنتروپوئید) یعنی شبه انسان لحدلرک طاقی نظر دقتی جلب
 ایدر. اوزر لرنده اساطیر یونانیه دن (فدرا) یه عائد وقایعی
 تصویر ایدن ایکی لحد دخی (غره قو- رومن) دور صنایع سنک
 اک کوزل نمونه لریدر. موزه هایونک بورایه قدر تعریفی صد دنده
 بولندیغمز بو برنجی صنفه داخل آثار جمله سندن اولان متعدد
 (بزانتین) لحدلرینه کلنجه بونلر میاننده اک زیاده بر لحد پارچه سی
 جالب امعان و دقتدرکه بونکده برنجی (قسطنطین) ک ووالده سی
 (هه لئا) نک قبری اولسی اقوای احتمالات دندر (*).

(*) مرکز خلافت سنیه داخلنده و متفرق بر حالده شوراده بوراده
 موجود اولان بوقیلدن بر طاقم بزانتین لحدلرک دخی موزه هایونه جلب
 وجعی تصور اولتمقده در.

موزه به برنجی درجه ده برطرز تجدد و اهمیت بخشیدن
 حال قدیم فیکیا حوالی سنده یعنی سوریه قطعه سی سواحل سده کشف
 اولسان و خارق العاده توصیفیه امثال سندن تفریق و تمیزه جدأ
 شایان اولان آنارد در . بونفیس و مهم اثر لر یکی برشی اولدق لری
 جهته بوراده یالکر بونلرک اهمیتندن برنبذه بحث ایده جکر .
 آثار مذکور هک قسم کلیسی و اک مهم لری اخیراً بیروت
 ولایتی داخلنده بوکون (صیدا) نامنی الان قدیم (سیدون)
 شهرنده ۱۳۰۵ و ۱۳۰۶ سنه لرنده موزه هاپون مدیری
 حمدی بک معرفتیه ایکی دفعه اجرا ایدیلان حفریاتده ظهور
 ایتشدر (*).

لحد لردن متشکل اولان بو اثر لر صیداده اهالی محلیه نک (رمله)
 تعبیر ایتدکاری برنوع قوم طاشی طبقه سی دروننده قازیلوب
 وجوده کتیرلش ایکی مغاره نک حفریله کشف اولنه رق ظاهره
 چیقارلشدر . حین کشفنده بو مغاره لردن بریسی یالکر سیاه
 (دیوریت) طاشندن مصنوع اولوب (أشمونازار) ک اوغلی
 (سیدون) قرالی (تابیت) ک مدفن بولنان قدیم مصر طرزنده بر
 (آنتروپوئید) لحد ایله برقاچ مزاری حاوی بولنیوردی . دیگر

(*) بونلره دائر ده اطرافلی و ده مکمل معلومات آلق ایچون
 مشارالیه حمدی بک ایله فرانسه مؤلف لردن و فن آثار عتیقه مشاهیر
 اربابندن موسیو (رهی ناق) طرف لردن ترتیب اولنوب جلد لری پیدرپی
 پارسده نشر ایدلکده اولان اثر مخصوصه مراجعت ایتک اقتضا ایدر .

مغاره ایسه یدی اوطه‌دن عبارت اولدنی حالدہ اون یدی عدد لحدی احتوا ایلمش ایدی که بونلرده (نوحه کران) نام لحددن و (نومرو ۸۳) مصر طرزنده سیاه بر لحد ایلہ (اسکندر) نام لحددن وعینی طرزده دیگر اوج کوچک لحدله (لیسیهن) و (ساتراپ) وایکی عدد (آنتروپوئید) لحدلرندن و بونلردن بشقه تزیناتدن عاری دیگر یدی عدد لحددن عبارت ایدی .

آثار مذکورہ نك صوك درجده و امثالنه قابل قیاس و نسبت اوله میه‌حق بر صورتده حائر اولدق‌ری کوزل‌لکدن و نفا- سندن صرف نظر بونلر حقنده اجرا ایدیلہ‌جک تدقیقات صرہ‌سندہ اک زیاده جالب نظر دقت بر جهت واردر که اوده هر بر لرینک طرز لر نجه و وجوده کتیرلدک‌ری ادوارجه اولان اختلافات ایلہ برابر مواقع مختلفه‌دن نشأت ایتمش اولملریدر . شویله‌که قدیم مصر و فیکیا طرز لر نده‌کی (آنتروپوئید) لحدلر میاننده مثلا (اسکندر) نام لحد ایلہ یاننده‌کی عینی طرزده دیگر اوج کوچک لحد (آتیقا) دستکاهلرینک محصول معرفتی اولوب (لیسیهن) لحدی ایسه انجق (لیکیا) ده اعمال ایدلمش اوله‌بیلیر . (ساتراپ) نامنده‌کی دیگر بر لحدده (ایونیا) نك یتش‌دیردیکی مهره هیکلتر اشانک مکتبنه منسوبدر . (نوحه کران) لحدینک دخی بر آتته صنعتکارینک محصول چیره دستی مهارتی اولمسی محتملدر . بونلرک تراشیده و اعمال ایدلدک‌ری ادوار تاریخیه نظر دقته آلدنی صورتده آکلاشیله‌بیلیر که (ساتراپ)

لحدی قبل المیلاد بشنجی عصر اوائلی آثار قدیمه سنه و (لیسیه ن) لحدی ینه او عصرک نهایتنه منسوب بولندقلری حالده (نوحه - کران) لحدی دردنجی عصرک اوائلنده و (اسکندر) نام لحدده مذکور عصرک نهایتنده وجوده کتیریلان آثاردندر. ایمدی قطعات وجهات مختلفه ده ظهور ایدن و بشقه بشقه بر دور وزمانک محصولی اولان بولحدلرک بریره جمعی و صره - سیله ترتیب و تنظیمی، قدیم فنیکیالیلرجه اموات حقنده جاری و مرعی بولسان تدفین اصول و عاداتنه دائر معلومات مفیده اعطاسنه پک کوزل خدمت ایدر. تاریخ بزه خبر ویرمکده درکه فنیکیالیر کنیدیلرینه مخصوص یعنی ملی دینه بیله جک صنایع نفیسه یه صاحب دکل ایدی. بویولده دائماً اجانبه عرض احتیاج ایدرلر ایدی. بعضاً بشقه لری ایچون و بشقه بر مملکتده اعمال ایدلمش لحدلوی جلب ایلدکلری واقع اولوردی که اولجه مصر جنراللرندن برینه مدفن اتخاذا ایدلمش اولان بر لحدک مؤخرأ قرال (تابنیت) طرفندن ذاته مخصوص اولمق اوزره اشترا و جلب اولمنسی بوافاده مزنی تأیید ایده جک دلائلدندر. بولحد - لرک هر برینی آیری آیری حده تدقیق و امعاندن کچیرمک ازمنه قدیمه یونانیه ده فن دقیق هیکلتراشینک صورت ترقی و انتشارینه واقف اولمق ایچونده مهم بر واسطه اوله بیلیر. بوخصوصه عائد مطالعات دورادورک بز بوراده انجق خلاصه و نتایجی عرض ایده بیله جکز. هر شیدن اول فن آثار عتیقه ایچون

حقیقهٔ برتجدد عد ایدیله بیله جک برشی، قبل المیلاد بشنجی و دردنجی عصرلرده یعنی صنایع یونانیسه نك واصل نقطهٔ کمال و اعتلا اولدینی زمانلرده طاشدن مصنوع و اوزرلری قیارتمه لرله مزین و یونانی معبدلری شکلنده لحدلرک موجود اولسی دره.

فن آثار عتیقه یه انتساب و مراقی و بویولده توغلات و تدقیقات مخصوصه سی اولنلرجه شمعی یه قدر اک اسکی اولق اوزره طانیلان لحد، ویانه موزه سنده بولنان (آمازون) لر لحدیدرکه (*) بوده قبل المیلاد اوچنجی عصرده وجوده کتیرلمش بر اثر درر. بوندن بشقه بوکون معلوم اولان لحدلرک کافه سی ذکر اولنان ادوار یونانیه یی تعقیب ایدن (غره قو- رومن) دورینک دها صریحی یونانیلرک رومالیلر حکومتته منسوب بولندقلری زمانک آثار صنایعه سندندر. صیدا کشفیاتنک نتایج مهمه سی اولان لحدلر ایسه بشنجی و دردنجی عصرلرک انفس آثارندن و هربری یونانی هیکل تراش فی تاریخنک بزمانه دلالت ایده جک کرافقیمت یادکارلردندر. مثلاً (ساتراپ) لحدی قبل المیلاد آلتنجی عصرک اواسطندن (مد) لر محاربه سی زمانه قدر (ایونیا) سواحلنده حد کماله و درجهٔ مستثنایه واصل اولمش بر صنعتک اک مکمل بر نمونه سی دره.

(*) ویانه موزه سنده اصلندن آلچی ایله آلتوب کوندریلان و یکی موزهٔ داترمنسک ایجری مردباننک آلت طرفنه تعلیق ایدیلان بر عدد قالب بولحدک بر یوزینی اراثة ایدر.

(أَفَز) یعنی بوکونکی آياسلوغ ايله او جوارده کائن (ميله) یعنی شمديکی بلاط شهرلرنده ينه او دورلرده وجوده کتيرلمش برطاقم آثار کشف و ظاهره اخراج ايدلمشدرکه بالنسبه انلر هيچ براهميتي حائز کوريله مز. (نوحه کران) لحدی ده هيکلتراشلق فننك لحد اعمالاتنه عائد قسمنجه اك كوزل بر اثر اوله رق دردنجی و اوچنجی عصرلرده طوپراقدن معمول استاتولر ياپان صنعتکارانك بونی نمونه اتخاذايتمش اولملرنده شبهه ايديله مز. (اسکندر) ناميله مشتهر اولان لحدده کلنجه بوده ازمنه قديمه يونانيه هيکلتراشلق فننده بويالرك کیفیت استعمالنی صورت قطعيده حل ايلمکله برابر قبل الميلاذ دردنجی عصرک نهايتنده و (لزيپ) و (برياکسيس) لرله معاصر اولان هنرورانك ترتيب تصاویر و تزئيناتده و امتزاج اشکال و تناسب امرنده نه قدر دقيقه يين، نه درجه حائزکمال و مهارت اولدقلرينی بزه خبر ويرر. ايسته بونقطه نظر دن لحد مذکور قديم هيکلتراشلق فی تاريخی ايچون عصر مزك الكبيوك مظفريتلرندن، الكبيوك مظفريتلرندن عد اولمنغه بالوجوه شایاندر.

برنجی صنفه داخل اولان لحدلر ايچنده زمان و صورت اعمالاتی اعتباريله درت عصرک محصول معرفتی بولنان (آنتروپويڈ) یعنی شبه انسان لحدلرك مجموعی اون اوج عدده بالغ اولمقده درکه هيئت عمومیه سی مکمل بر قولکسيون تشکيل ايدر. بونلرك هر بری ارباب فن و اختصاصك بشقه بشقه

مطالعات و تدقیقاتنه الحق سزاواردر. بنوع لحدلر بدایه مصر مومیا صندوقلرینی تقلیداً یابیلور و انحق عادی طاشدن ویا مر مردن اعمال ایدلدکلری جهتله تحتیه نسبتله دها رصین و محکم برحالده وجوده کتوریلور ایدی. کیت کیده فن هیکل تراشی ده حاصل اولان ترقیاتدن بنوع ائارده حصه دار استفاده اوله رق لحدلره بر (استاتو) شکلی ویرلمکه و بلکده درونلرینه دفن ایدیله جک امواتک کندی رسملری نقش ایدلمکه باشلادی. ودها صکره لری ایسه دیز و باجاق کبی وجودک بعض عضوینی ارائه و نقش ایتک اعتیاد ایدلدیکی عند المعاینه اکلاشیله بیلور. بو حال و اعتیادده برمدت دوام ایلدکدن صکره مصر مومیا صندوقلرینک تقلیدی بالکلیه ترک ایدیلهرک منحصرأ یونان فن هیکل تراشیسنه متعلق قواعد و اصول قبول اولنمش و (پولیقت) مکتبنک مسالک مخصوصه سی اختیار ایدلمشدر.

بالاده مذکور لحدلردن بشقه موزة هایونده موجود آثار جمله سندن اولان قورشوندن معمول متعدد لحدلر دخی بالخاصه شایان تدقیق و مطالعه در. بونلرک کافه سی جبل لبنان ایله سوریه داخنده واقع حمصده ظهور ایدن آئاردن اوله رق اجرا ایدیلن تدقیقاتمزه کوره بونلرک و قبیله قدیم فیکیا لیره مدفن خدمتی ایفا ایلدکلری آکلاشلمقده در. زمانیه بولحدلر قالبلره دوکمک صورتیه وجوده کتیرلمش اولدقلرندن اوزرلرنده بولنان غایت ظریف و نظرربا نقوش مختلفه (فیکیا) صنایع

تفيسه سيله (غره قو- رومن) صنايع نفيسه سنك اختلاط
وامتراجندن وجوده كلش بر طرز مخصوصدر. ذكر اولنان
قورشوندن مصنوع لحدلر كاملاً خرس تيانلغك ايلك سنه لرينه
ويا قبل الميلا د برنجي عصر ك نهايته منسوب آثار دندر.

آز قبارتمه لي مزار طاشلرني حاوي اولان ايكنجي صنفه
كلنجه: السنه اجنبيه ده انتشار ايدن رسائل و آثار فنيه واسطه-
لريله ارباب فن واختصاص شمدى يه قدر بونلره دائر پك چوق
فكرلر ومطالعهلر بيان ايتمش و پك چوق سوزلر سويلمش
اولد قلرندن بونلر ك خارجنده سويلنه بيله جك سوز پك آز
قالمشدر. بناءً عليه بز بوراده اخيراً سومبكى اطه سنده ظهور
ايدن غايت قديم وفوق العاده حائز اهميت بر (ستل) ي بحثه
شايدان كوره بيلير زكه، شمدى يه قدر بواثره دائر هنوز بر بحث
جريان ايتماش و بر كونه نشریات وقوعبولما مشدر. مذكور
(ستل) قبل الميلا د التتجى وبشنجى عصر لرده جزاير يونانيه ايله
(آيقا) قطعه سنده كائن اك مهم دستكاهلردن چيقمه آثار جمله-
سندن عد اولنه بيلير. (ماراتون محاربى) ناميله شهرت ياب اولان
(ستل) بوجمله يه داخل اولان آثار ك اك مشهوريدر. بوندن بشقه
(جنازه ضيافتي) ناميله معروف اولان وعائله عالمى تصوير
وارائه ايدن آز قبارتمه لي مزار طاشلرندن ده. موزه هاپونده
پك چوق نمونه لر موجوددر. بونلرده برنجى اعتبار اولنان

قسمه داخل آثار، یالکر مزار اوزرنده کشیده قلنان ضیافتی
 مصوردر. ایکنجی قسمدن عد و اعتبار ایدیه جک آثار حقنبد
 هنوز ارباب تدقیق و فنونک آرا و افکاری بر نقطه ده اتحاد
 ایتماشدر. اوزرلرنده کوریلان رسملر بعضلرینک رأینه کوره
 موتانک آخرتده ملاقی اوله جنی عائله ارکانی اولوب بعضلری
 ایسه بورسملری موتانک دنیاده ترك ایده جکی فامیلیا افرادیه
 صورت وداعنی مصور اولمق اوزره تلقی ایلمکده درلر. منتسبین
 فندن بر طاقلری ده اختلافات واقعه یی بر طرف ایدرک علی الاطلاق
 بورسملره بر عائله نامنی ویرمک جهتنی التزام ایتمکده و بواحتماله
 تابع وقانع اولمقده درلر. بو قبارتمه لرك طرز و صورت اعمالاتنه
 کلنجه: هپسی ده عجله ایله یاپیلمش طاشلر اولدیغندن بالنسبه
 قباحه اولوب صنایع نفیسه نقطه نظرنده اهمیتدن عاریدرلر.
 بورایه قدر علی وجه الاختصار تعریف ایلدیکمز آثار
 عتیقه نك قسم کلیسی هنوز بر واسطه مخصوصه و مستقله ایله
 موضوع موقع انتشار اولماشدر. بالخاصه صیدا حفریاتنده
 ظهور ایدن آثار عتیقه ونادره بو جمله یه داخلدر. موزه
 هایونده موجود آثاردن دیگر بر طاقی اولجه کندیلرینی عالم
 نشریاتده طاتمشلردر. موزه یه دائر ایلک دفعه اولمق اوزره
 خدمت قلمیه ده بولنان ذات آثار عتیقه هنوز حربیه انبارنده
 موضوع بولندیغی زمان (ره وو آرکئولوژیک) نام رساله موقوته
 واسطه سیله کوچک بر مخطره نشر ایدن موسیو (دومون) در.

مومی الیهدن صکره اول زمان موزه هاپون مدیری بولنان موسیو (غولد) ۱۸۷۱ سنه میلادیسنده برقاچ عدد رسمی حاوی کوچک برقاتالوغ نشر ایتشدر. انی متعاقب میلادک ۱۸۸۲ سنه سنده موسیو (صالامون رهی ناق) معرفتیه چینیلی کوشکک حاوی اولدینی آثار عتیقه یه دائر عمومی برقاتالوغ ترتیب ایدلمش و بوده استانبولده طبع ایتدیریلوب ساحه انتشاره وضع اولنمشدر. بوبر ایکی پارچه آثاره لاحقیه اولان بوقاتالوغک ترتیبی امرنده بزده سلفلرمزک اثرینه اقتفا واتباع ایدرک و برنجی درجه ده تعریفاتک مفید اولسنی التزام ایلیرک ایجاز واختصاری اختیار ایلدک. بودفترک تمامیله فنی بر اثر عد و اعتبار ایدیلهمیه جکی هر کسدن اول بزجه تحت اعترافده در. بو بایده مقصد یکانه مز موضوع بحث اولان آثارک فوایدینی تعمیم ایتک و قدما ی هنرورانک محصول چیره دستی مهارتی بولنان بونوادر معرفتی عمومه بیلدیر مکدن عبارت اولدینی ایچون، منتسین فنون آره سنده آثار مذکوریه دائر اول و آخر جریان ایدن مباحثاته و مباحثات مذکوریه ک تشریح ماهیاتنده کوریلجک اختلافاته اشتراکدن متوقی و محتجب بولندق. ایشته بو حد ودائر داخلنده کی آرزومزه موفق اوله بیلیمش ایسه ک کندمزی بختیار عد ایده بیلیرز.

آدره نویسن



دهلیز

۱ — ازمنهٔ قدیمه بود در دم (قدیم لهالبقارناس) ده طائفه
تربیتك اقسامند و ریاضه یانیتلك مرمرنده مصنوعه ارسوده .
موزه یه تاریخ دخولی نامعلومدر .
ارتفاعی ۰,۹۴ و طولی ۱,۱۰ (*) کوكده سنك قسم
سفلاسی ایله اوک آیاقلری نقصاندر . هیئت مجموعه سی آرسلانك
وجودینك ثقلتی اوک آیاقلرینه تحمیل ایدرك باشنی صاغ طرفه
چویرمش اولدینی حالده غضوبانه باقشنی ارانه ایدر . قبل المیلاد
دردنجی عصرک مصنوعاتنددر .

۲ — ازمنهٔ قدیمه بود در دم (قدیم لهالبقارناس) ده طائفه
تربیتك اقسامند و ریاضه یانیتلك مرمروده معمول ارسوده .
موزه یه تاریخ دخولی نامعلومدر .
ارتفاعی ۰,۷۶ و طولی ۰,۷۵ نصف سفلاسی قیریقدر .
مذکور آرسلانك اوطور مقده اولدینی حالده وحشیانه برطور
ایله باشنی صاغ طرفه چویردیکی و آغزنده کی ديلك دیشلری
(*) تعیین مساحات ایچون وضع ایدیلان رقلر علی العموم مترو
اصولنده در .

اراسندن خارجه فرلادیغی و پنجه لری آره سنده براوکوز قفاسی
ولندیغی کوریلور . قبل المیلاد دردنجی عصرک مصنوعاتنددر .

۳ — ازمنه قدیمده بودررم (قدیم هالبیقارناس) ده تائین
تربنهك اقسامنده و ییاصه یانهك مرمتمده مصنوع ارسلاسه .
موزه یه تاریخ دخولی نامعلومدر .

ارتفاعی ۰,۵۷ طولی ۱,۸ . آرقه آیاقلری قالچه سینه قدر
قیریق اولدیغی کبی قویروغی ده نقصاندر . آرسالان آغزی
آچیق اولدیغی حالده شکارینه قارشى صولت طورینی ارائه
ایدر . قبل المیلاد دردنجی عصرک معمولاتنددر .

۴ — ییاصه مرمتمده معمول مزار طاشی (سئل) .
محل ظهوری ازنیق (قدیم نیسه) قصبه سی در - ۱۳۰۲ - (*)
ارتفاعی ۱,۶۰ عرضی ۱,۰۶ قبارتمهك قالینلی ۰,۰۶ .
صاغ طرفی نقصاندر . اوزرنده بولسان قبارتمه لردن برقادین
قفاسی دچار تخریب اولمشدر . بو طاشك جبهه سی مثلث الشكل
اولوب ارائه ایلدیکی قبارتمه رسم آرقه لی بر اسکمله اوزرینه
اوپورمش و اوزون بر (تونیک) تلبس ایتیش برقادیندر .
مذکور تونیکك برکناری قادینك باشنی ستر ایلمکده در .

(*) بویه ایکی چیزکی ایچنه آلنان تاریخلر سال هجری اولوب
آنتیقه لرك موزه یه تاریخ دخولی مشعردر .

بوقادین ینه تونیک تلبس ایتش اولان و قائماً نزدنده بولسان
بر شخصک النی طوتمقده در . رومالیلر زمانندن قالمه آئاردندر

۵ — پیاصه مرمرده معمول مزار طاشی (ستل) .

محل ظهوری صامسون — ۱۲۰۳ —

ارتفاعی ۱,۴۲ عرضی ۰,۹۶ . قبارتمه نك قالینلی ۰,۲۰ .
اشبو یوکسک قبارتمه لی طاش آرقه لی بر اسکمله اوزرنده بر
شخصک اوطور مقده اولدیغنی ارائه ایدر . بوشخصک کوکدیمی
چبلاق اولوب باجاقلری اوموزندن دوشمش احرام ایله
مستوردر . اوکنده بالنسبه دهاکوچک و قائماً ایکی انسان
رسمی بولنوب بولردن بریسنک صول اوموزینه بر احرام
آتمش اولدیغنی وصاغ ایله قوللی بر ساقسی طوتدیغنی کوریلور .
بوشخصک نزدنده کی چبلاق برچوجغک آیاقلری ارجنه
باصه رق اسکمله اوزرنده اوطور مقده اولان شخصک صاغ
النده کی المایی یقالامق آرزوسنده بولندیغنی مشاهده اولنور .
رومالیلر زمانندن قالمه آئاردندر .



برنجی سالون

۶ — قورشونده معمول لحد (*).

محل ظهوری جبل لبنان واقع بعابده . جبل لبنان
متصرفی متوفی واصه پاشا طرفندن کوندرلشدر — ۱۳۰۶ —
ارتفاعی ۰,۴۷ عرضی ۰,۲۳ و طولی ۱,۸۰ تکنه سنک
یوزی مستطیل الشكل و قیای جزئی قیریقدر. موزه همایونده
بوقیلدن موجود اولان متعدد قورشون لحدلر حین اعمالنده
قالبره دوکلمش اولدقلرندن اوزرلرنده بولنان نقوش قبارتمه
اوله رق چیقمشدر. نقوش مذکوره فیکه ویونان و روما صنایع
نقیسه سنک اجتماعندن مرکب اولوب بونلرک ادوار خرسیتیایه
ابتداسنه متعلق اولدقلری آکلاشیلور .

۷ — قورشونده معمول لحد .

محل ظهوری جبل لبنان . متوفی واصه پاشا طرفندن
کوندرلشدر — ۱۳۰۶ —

ارتفاعی ۰,۴۶ عرضی ۰,۴۰ طولی ۱,۸۰
اولجه تعریف ایدیلان قورشوندن معمول لحدلرک عینی در.

بیوک یوزك اورته سنده (مه دوز) قفاسی وصاغ وصول جهتلرنده متوازی الاضلاع بر نقش کوریلور و بونقشك اوزرنده قنادلی بر (سفنكس) و (مه دوز) قفالری تصویر اولمشدر. کوچك یوزك اوزرنده اطرافی مدور الشکل اویمه لرله محاط (مه دوز) قفاسی واردر. قباغك اوزری متوازی الاضلاع و قبارتمه نقشلرله مزیندر.

۸ — قورئونده معمول طر.

محل ظهوری حمص — ۱۲۰۳ —

ارتفاعی ۰,۵۵ عرضی ۰,۴۴ و طولی ۱,۶۱ الی نقصاندر. بیوک یوزنده فن معماری به متعلق (تور) تعبیر اولنان ایکی نقوش آره سنده دفنه داللرندن متشکل بر آصقی موجوددر. ایکی جهتی ستونلرله تقریق اولمش لوحه لری ارائه ایدر و بولوحه لر اوزرنده قنادلی بر (سفنكس) ایله بر (مه دوز) قفاسی مر تسمدر. اطرافی یونس بالغی ایله دفنه وصار مشیق یپراقلرندن مرکب قبارتمه نقشلرله مزیندر. کوچك یوزی اوزرنده ییلان قاوی چیز کیلی درت ستون اوستنده بر (فرونتون) بولنه رق (فرونتون) ك اورته سنده ده (مه دوز) قفاسی کوریلور. قباغك اوزری ایکی (تور) آره سنده دفنه داللرندن متشکل بر آصقی ارائه ایدر. بو آصقینك اورته سنده یپراقلرله برابر اوزوم صالقملری قبارتمه اوله رق و متوازی الاضلاع بر شکله نقش ایدیلوب برده کل دمتی رسم اولمشدر.

۹ — قورشونده معمول لحد .

محل ظهوری حص — ۱۳۰۳ —

ارتفاعی ۰,۸۸ عرضی ۰,۴۷

اولجه تعریف ایدلمش اولان ۸ نومرولی لحدك عینی در .

۱۰ — قورشونده معمول لحد .

محل ظهوری بیروت — ۱۳۰۸ —

زمینی نقصاندر ارتفاعی ۰,۴۵ عرضی ۰,۴۸ طولی ۱,۷۲

اوزرنده کی نقوش ۸ نجی نومرونك عینی در .

۱۱ — قورشونده معمول لحد .

محل ظهوری حص — ۱۳۰۲ —

زمینی نقصاندر ارتفاعی ۰,۸۸ عرضی ۰,۴۷ اوزرنده کی

نقوش ۸ نجی نومرونك عینی در .

۱۲ — قورشونده معمول لحد .

محل ظهوری بیروت — ۱۳۰۸ —

ارتفاعی ۰,۳۸ طولی ۱,۷۸ و عرضی ۰,۳۹

آلتی نقصان و قباغی قیریقدر. بیوک یوزینك یوقاریسی

و آشاغیسی اوزم صالقملریله و ایکی صره مدور نقشلرله تزین

اولنشدرد. بوایکیسنك بینی یدی عدد لوحه و اینجو شکلنی تقلیداً

یاپلمش نقشار ویکدیگرینی متعاقب بر آصق و خطوط متصالبه دن
متشکل نقوش ایله مزیندر . کوچك یوزنده اسکمله اوزرینه
اوپورمش قنادلی بر (پسیشه) و آلتنده آصق و اینجو شکلی
تقلیداً یاپلمش نقشار کوریلور . اوزرنده کی قیاق اوزوم
صالقملرندن ایکی آصق ایله مزیندر و بونلرک بینده معین
شکلنده نقوش موجوددر .

۱۳ — قورئونده معمول لده .

محل ظهوری حمص — ۱۳۰۳ —

ارتفاعی ۰,۴۵ عرضی ۰,۴۶ طولی ۱,۷۳

اوزرنده کی نقوش ۸ نجی نومرونک عینی در .

۱۴ — قورئونده معمول لده .

ارتفاعی ۰,۵۰ عرضی ۰,۴۰ طولی ۱,۷۸

زمینی قیریقدر . نقوشی ۸ نجی نومرونک عینی در .

۱۵ — قورئونده معمول لده قباغی یاریمسی .

محل ظهوری . حمص — ۱۳۰۳ —

ارتفاعی ۰,۹۷ و عرضی ۰,۵۱ در .

اشبو قباغک اوزرنده مدالیون شکلنده ویکدیگره مشابه

ایکی مدور قبارتمه لوخه و بونک اوستندهده صقالی و وجودینک

قسم علیاسی چبلاق، باچاقلری اورتلی بر (ژوپیتز) رسمی
واردرکه صاغ ایله بر عصایه اتکا ایتمکده در. اولیمی (ژوپیتز)
ینک اسمی مدالیونلرک اطرافنده خطوط یونانیه ایله محکوکدر.

۱۶ — قورئونه معمول لحد یاریمسی.

محل ظهوری حمص — ۱۳۰۳ —

مذکور لحد تکنه سنک قسم علیاسنده ایکی (تور) آره سنده
دقنه دالرنندن مصنوع قبارتمه برر آصق کوریلور آصقیرک
آلتنده کی لوحه لرستونلرله تفریق ایدیلوب بولوحه لرک اوزرنده
قنادلی بر (سفنکس) اوطور مقده اولدینی کبی برنده ده
(مه دوز) قفاسی رسم و اطرافی یونس بالنی، صارمشیق
وساقسیلردن مرکب نقشلرله تزین اولمشدر.

۱۷ — قورئونه معمول لحد یاریمسی.

محل ظهوری حمص — ۱۳۰۳ —

ارتفاعی ۰,۳۵ عرضی ۰,۲۵

اوفق یوزی اورته سنده ارقه لی براسکمله اوزرینه اوطور-
مش (پسیشه) بولنوب اطرافی مدور نقوش ویپراقلر ایله مزین
اولدینی کبی صاغ طرفنده ده یپراقلی اوزوم صالقمی آصقیرلی
موجوددر.

۱۸ — قورشونده معمول لمه یاریم سی .

محل ظهوری حمص — ۱۳۰۳ —

ارتفاعی ۰,۴۸، طولی ۱,۸۰

بو لحدك يالكز تكنه قباغی موجود اولوب اوست و الت
طرفلرنده و ایکی (تور) آره سنده دفنه داللرندن متشکل ایکی
آصقنی و اورته سنده ده کل ذمتی و یاپراغیله برابر اوزوم
صالقملرینی ارائه ایدر.

۱۹ — قورشونده معمول لمه یاریم سی .

محل ظهوری حمص — ۱۳۰۳ —

ارتفاعی ۰,۵۳، عرضی ۰,۴۱

اوزرنده کل شکلنده نقوش ایله ساقسیلر کوریلور.

۲۰ — قورشونده معمول بر لحدك كوچك بوزی .

محل ظهوری حمص — ۱۳۰۳ —

ارتفاعی ۰,۳۹، عرضی ۰,۳۵

بش کوشه لی بر شکلده قبارتمه لی اولوب اوزون برر (تونیک)
اکتسا ایلمش اولدقلری حالدده قنادلی ایکی ظفر هیکللی
(ویقتوار) مر تسمدر مذکور هیکللرک برر النده خرما دالری
ودیکر اللرنده ده چیچکدن مصنوع بر تاجی طوتارق قائماً اره لرنده
بولنان و (خلامید) فامی ویزیلان برا حرام کینمش والنده برقا

طوتمش اولان بر شخصك باشنه وضع ايتمك تشبثنده بولندقلری
کوریلور بواثر رومالیر زمانندن قالمه در .

۲۱ — قورسوندن معمول لجه یاریمسی .

محل ظهوری حص — ۱۳۰۳ —

ارتفاعی ۰,۳۹ عرضی ۱,۵۵

تکنه نك یانلرندن بیوک قسمی موجود اولوب الت طرفی
قیریقدر. ایکی (تور) آره سنده والت واوست طرفنده دفنه
دالارندن متشکل ایکی آصقی کوریلور بوایکی آصقی بیننده یدی
لوحه بولنوب آره لری باشلرینه قورتی اصولنده باشقلر موضوع
هلزونی (تورس) تعیر اولنور ستونلره تفریق اولمشدر مذکور
لوحه لر اوزرنده یکدیگرینی متعاقب بر قنادلی (سفنکس)
و (مه دوز) قفاسی اولوب بونلرک اطرافنده ده دفنه یاپراقلی
ویونس بالقلی وساقسیلر منقوشدر .

۲۲ — قورسوندن معمول لجه یاریمسی .

محل ظهوری حص — ۱۳۰۳ —

ارتفاعی ۰,۴۱ طولی ۱,۷۰

لحدك بیوک یوزینك تکنه سی اولوب الت طرفی قیریقدر.
ایکی (تور) بیننده الت واوست طرفنده ایکی دفنه آصقیسی
موجوددر. بونلرک آره سنده ده هلزونی و اولوقلی ستونلره

تفریق اولنمش الی لوحه بولنه رق بولنده یکدیگرینی متعاقب
بر (سفنکس) وبر (مه دوز) قفاسی رسم ایدلمشدر.

۲۳ — فور شونده معمول لحد یاریم سی.

محل ظهوری. حمص — ۱۳۰۳ —

ارتفاعی ۰,۲۷ عرضی ۰,۸۲

الهی قیریقدر. نقوشی اولکیله مشاهددر.

۲۴ — فور شونده معمول لحد یاریم سی.

محل ظهوری حمص — ۱۳۰۳ —

ارتفاعی ۰,۴۳ طولی ۰,۷۰

آشاغی ویوقاری طرفلرنده ایکی (تور) آره سنده دفته
داللرندن متشکل قبارتمه بر آصقی بی ارانه ایدر. بو آصقیلرک
آره سنده اوچ لوحه بولنوب بولوحه لرک مایینده ده برر ستون
موجوددر لوحه لرک اوزرلرنده یکدیگرینی متعاقب بر (مه دوز)
وقاسکلی بر (آهنا) رسم اولنمشدر کنارده یونس بالقی ودفته
یپراغی رسملری قبارتمه اوله رق منقوشدر.

۲۵ — کیرج طاشنده مصنوع لحد.

محل ظهوری صیدا — ۱۳۰۶ —

موزه هایون مدیری حمدی بک طرفندن صیداده ایکنجی

دفعه اوله رق اجرا ایدلمش اولان حفریاتده ظهور ایدن بولحدك
ارتفاعی ۰,۵۸ طولی ۲,۱۲ وعرضی ۰,۶۷ در.

تکنه سی مستطیل الشکلدر. بیوک یوزنده دفته داللرندن
مصنوع بر آصقی بولنوب بو آصقینک اوجلری ایکی طرفده
بولنان ایکی ارسلان آغزلرنده کی حلقه لره مربوطدر. اورتیه سنده
بر (مه دوز) قفاسی کوریلور. صاغ جهتنک کوچک یوزنده
بر آصقی وبرکل دمتی موجوددر. صول طرفنک کوچک یوزنده
(تونیک) تلبس ایتمش برقادین اوطوره رق دروننده جنازه
کولی موضوع بولنان برقاوانوز قارشوسنده محزونانه آغلامقدهدر.
زمینده دخی خروفات یونانیه محکوکدر.

۲۶ — پیاصه مرمرده مصنوع لحه یاریم سی.

محل ظهوری وموزه یه تاریخ دخولی مجهولدر.

باب هایون جوارنده کائن حربیه انبارندن (قدیم سنت ئیره ن
کلیسائی) نقل ایدلمش اولان بولحد پارچه سنک ارتفاعی ۱,۲۰
طولی ۰,۵۲ در. صاغ طرفی قیریقدز. تکنه سنک بیوک یوزینک
صاغ جهتی برطاقم چیچکلره منقوشدر. گوشه سنده انسان
هیئتتی کوستر و دیرک خدمتنی ایفا ایدر (قاریاتید) تسمیه
اولنان برهیکل واردر. هیئت مجموعه سی (آمازون) لرك محار-
به سنی تصویر وارانئه ایدر. صول طرفنده صاغ الیه بر قالقان
طوتمش، باشنده (قاسکه) واحرام تلبس ایتمش برجنکاورک

ات اوزرنده بولنان بر (آمازون) ایله صاواشمقده اولدیغی
کوریلور. آتدن دوشمش دیکر بر (آمازون) دخی آباق او-
زرنده بولنان بر محاربی یره دوشورمک غیرتنده بولنمقده در.
رومالیلر زماننک اولدجه مقبول آئارندندر.

۲۷ — یاصه مرمرده مصنوع لحد یایمسی.

محل ظهوری و موزهیه تاریخ دخولی نامعلومدر.

باب همایون جوارنده کائن حربیه انبارندن (سنت ئیره ن)
نقل ایدلمش اولان بولحد پارچه سنک ارتفاعی ۸۷،۰ در.
تکنه نك کوچك یوزی اساطیر یونانیه دن (باکوس) ک زوجہ سی
(آریان) ک جزائر یونانیه دن ناقسوس آطه سنده بولنان بر مغاره
دروننده یاتوب او یومقده اولدیغی و (باکوس) ک آرقداشلرندن
اولوب آطه یه یناشان ایکی (ساتیر) ک مغاره یه دخوللرنده بغتہ
مرقومہ یی کوره رک اظهار حیرت ایتدکلرینی اراؤه ایدر. مغا-
ره نك اوزرنده بر اغاج وایکی کچی ایله بر (سفنکس) منقوشدر.
رومالیلر زماننک متوسط درجده بولنان آئارندندر.

۲۸ — قرمزی (یورفیر) نقیر اولتانه طاشده معمول لحد

یایمسی.

محل ظهوری استانبول. موزهیه تاریخ دخولی مجهولدر.

ارتفاعی ۱،۱۰ عرضی ۰،۶۰

صاغ وصول جهتلى قيريق اولدينى كې اوزرنده كوريلان
برقاج (ژەنى) لرك قفالرى دخى شكست ايدلمشدر. ذكر اولنان
(ژەنىلر) آصمه ياپراقلى آره سنده اوينا شمعده درلر. بولحد
پارەنك روما ايمپراطور لرندن بيوك (قسطنطين) ك ووالدهسى
(هەلنا) نك لخدندن مفرز برپارچه اولسى اغلب احتمالاتدندر.

۲۹ — ياصه مرمرده مصنوع لحد يارمى.

باب هايون جوارنده كائن حربه انبارندن منقول
آثار دندر. موزه يه تاريخ دخولى نامعلومدر.

ارتفاعى ۰,۶۵, طولى ۰,۵۱, كوكدهسى چبلاق، باجاقلى
اورتيلي قعود حالده برانسان رسمى حاوى اولوب روماليلر
زمانندن قاله آثار دندر.

۳۰ — ياصه مرمرده مصنوع لحد يارمى.

باب هايون جوارنده كائن حربه انبارندن منقول آثار
دندر. موزه يه تاريخ دخولى نامعلومدر.

ارتفاعى ۰,۴۹, طولى ۰,۲۵, هر طرفى قيريقدر. باشى زرهلى
و كوكدهسى چبلاق و باجاقلى اورتيلي اوطورمش برانسان
رسمى ارائه ايدر. صاغ طرفده برآت بوغازى مشاهد اولوب
روماليلر زماننك آثار نفيسه سندنر.

۳۱ - پیاوه مردوده معمول لحد یارمی .

محل ظهوری و موزهیه تاریخ دخولی مجهولدر .

ارتفاعی ۰,۸۶، عرضی ۰,۴۲، صول طرفنده مربع الشكل
براسکمله اوزرنده او طورمش وبل جهتی دار بر (تونیک)
اکتسا ایتش برقادینک النده کی کاسه یی قالدیرمش اولدینی
حاله آیاق اوزرنده (تونیک) تلبس ایتش، ایکی اللریله ده
بردستی قالدیروب دوکمک استعدادینی ارئه ایدر برارکک رسمه
باقدینی کوریلور. صنایع نفیسه تاریخنک (غره قو - رومن)
دوری نامی ویردیکی زمانده یعنی رومالیرک یونانستانی استیلا-
سندن صکره وجوده کتوریلان آتاردن اولوب صنعتجه وسط
درجه ده اعتبار اولنور .

۳۲ - پیاوه مردوده مصنوع لحد یارمی .

محل ظهوری و موزهیه تاریخ دخولی مجهولدر. باب هایون
جوارنده کائن حربیه انبارندن (سنت ئیره ن) نقل ایدلمشدر .

ارتفاعی ۰,۸۷، طولی ۰,۵۴، بولحدک صول طرفنده چبلاق
وصول قولنده برقالقان و دیگرنده برقارغی بولنان جنکاورک
بر شخصه هجوم ایلدیکنی ارئه ایدر. کندیسنه هجوم ایدیلن
شخص چبلاق اولوب بردیزی زمینه موضوع اولدینی حاله
براسکمله ایله کندینی مدافعه غیرتنده بولندینی و آیاق اوچنده
محاربلردن بریسنک یوه سترلیدیکی کوریلور. (غره قو - رومن)
دورینک انفس آتارنددر.

۳۳ — پیاوه مرمرده معمول لحد یارمی .
 محل ظهوری و موزهیه تاریخ دخولی مجهولدر .
 باب هایون جوارنده کائن حربیه انبارندن (سنت یرهن)
 نقل ایدلمشدر .

ارتفاعی ۰,۸۴، طولی ۰,۹۰، بولج پارچه سنک الت طرفیله
 صاغ وصول جهتری قیریقدر . اساطیر یونانیه دن (سنتور) لرله
 آتنه لی جنکاورلرک (لاییت) قومی سنتورلره قارشو مدافعه
 ایلدکلرینی ارائه ایدر . صول طرفنده برحاربک قالقان ومنراق
 طوتارق طرف مخالفدن برحاربی یره دوشورمش اولان سنتور
 اوزرینه هجوم ایلدیکی کوریلور . رومالیر زمانسک اک کوزل
 اثرلرنددر .

۳۴ — طوبراقده معمول مومیه لحدی .
 محل ظهوری چاندارلی — ۱۳۰۴ —
 (پیتانه) ده دیموستن بالطه جی بک طرفندن موزه نامنه اجرا
 ایدیلاان حفریاتدن .

ارتفاعی ۰,۲۶، عرضی ۰,۳۵، طولی ۱,۱۲، تکنه سنک
 یانلری مستطیل شکل و اوستنک کنارلری پروازلی اولوب
 بشقه برکونه نقوشی یوقدر .

۳۵ — کیرج طاشنده معمول لحد یارمی .

محل ظهوری صیدا اولوب سلیم بك جنبلاط طرفندن
كوندرلشدر. — ۱۳۰۶ —

ارتفاعی ۷۱،۰. تكنه‌نك باش طرفه تصادف ایدن اوجی
موجود اولوب بونك اورته سنده بر (مه‌دوز) قفاسی و صاغ
وصول طرفلرنده بر آصقی یی طوتمقده اولان ایکی اوکوز قفاسی
منقوشدر. رومالیرلر آئارندندر.

۳۶ — کیرج طاشنده معمول بر لحد یاریمسی.

محل ظهوری صیدا — ۱۳۰۶ —

ارتفاعی ۴۹،۰. عرضی ۶۰،۰. مذکور لحد پارچه‌سی جبل
لبنان اشراقندن سلیم بك جنبلاط طرفندن تبرع واهدا
اولنمشدر. صاغ وصول جهتری قیریقدر. اوفق یوزی اوزرنده
اساطیره منسوب (مه‌دوز) قفاسی و بونك صاغ وصول جهتلر-
نده ده آغز لریله آصقی کنارلرینی طوتمقده اولدینی حالده ایکی
ارسلان قفاسی کوریلور. رومالیرلر زمانندن قاله آئاردندر.

۳۷ — ییاصه مرمرده مصنوع لحد.

محل ظهوری. وموزه تاریخی دخولی مجهولدر.

باب همایون جوارنده کائن حربیه انبارندن نقل ایدلمش
اولان بو لحدك ارتفاعی ۱۰،۱. طولی ۳۵،۲. عرضی ۱۰،۱
قیاغی نقصاندر. اوزرنده بولان رسملردن بعضیلرینك قفا

وقوللری وجانوارلرک آياقلری قيريقدر . تکه سنک یوزی
 مستطیل شکل اولوب درت یوزی دخی مصور ایسه ده بونلر-
 دن یالکز بریوزی حائر اهمیتدر . قاعده سی مختلف نقوشی
 حاوی اوله رق اوستنده برقورنیش موجوددر . اشبو رسم یوزک
 ایکی کوشه سنده (قاریاتید) شکلنده ایکی هیکل اولوب بونلرک
 بیننده موجود اولان قبارتمه رسملرده ایکی فرقه یه انقسام
 ایلمش بر حالده کوریلور . اورته یرده اساطیر یونانیه دن
 (تهزه) نک اوغلی (هیولیت) ارقه لی براسکمله اوزرنده اوطوروب
 کوکس و باجقلری چبلاقدر . تلبس ایلدیکی احرام یالکز
 دیزلرینی ستر ایدوب صول الیه بر مزراق طوتمقده در .
 دیزلری اوزرنده آوه مخصوص برقا بولنمقده و صاغ الیه ده
 اوطور مقده اولدینی اسکمله نک آرقه سنه طیانمقده در . متوجه
 اولدینی نقطه ده برکیک بوینوزینی برلوحه یه ربط ایتکله مشغول
 اولان خدمتچیلرندن بریسی بولنمقده در . مذکور بوینوز
 (هیولیت) ک آوده اولدیردیکی کیک بوینوزلری اولوب سید
 شکار آله سی اولان (دییان) ه مظفربت علامتی اوله رق اهدا
 ایلدیکی تصویر ایدر . (هیولیت) ک مواجهه سنده خدمتکارلر-
 ندن بری آت اوزرنده قارندن بیوک بر یاره آچلمش اولان
 برجانواری ایندیروب کندی اوموزینه آلدینی و بو یوک ثقلاتی
 التنده ایکی قات اکیلیدی و آنک ده بریلاقدن صو ایچمکده
 اولدینی کوریلور . دیگر بر چبلاق خدمتکارده آتک صو

ایچمکدن فراغتیی بکله مکده در. بویوزک صول طرفنده بولان
 قسمنده (تهزه) نک زوجہ سی اولان (فدرا) اوزون بر تونیک
 تلبس ایتمش اولدینی حالده آرقہ لی بر اسکمله ده اوطوره رق
 آرقہ سنده و آیاقده طوران بر قادیته متوجه اولوب الی طوتمقده در.
 (فدرا) نک اوطوردینی اسکمله نک آلتندہ ال ایشلرینہ
 مخصوص بر سبت موضوعدر. بونلرک نزدندہ بولان بر قادین
 باشنی صول الی اوزرینہ طیاہ رق دوشنمکده در. بوفر قہ نک
 نہایتندہ حسن و جمال الہہ سی (آفرودیت) مدور بر (اوتل) لہ
 یانندہ قائماً طور مقده و عشق معبودی اولان (رُوس) زانو
 بزمین اولہ رق (فدرا) یہ طوغری نشانہ محبت عد ایدیلن اوقی
 چکمکده در. — لحدک دیکر بیوک یوزندہ واورتہ سنده بر قرہ قوش
 بولنوب اندن ایکی طرفہ طوغری چیچکدن مصنوع ایکی آصقی
 اولدینی و بو آصقیرک او جلری ایکی طرفده بولان ایکی اوکوز
 قفالرینک بویوزلرینہ مربوط بولندینی کوریلور. — لحدک کوچک
 یوزلرندن بری بر (سفنکس) رسمنی — و دیکری ده (آریان) لہ
 ناقسوس آطہ سنده او یومقده و (تهزه) نک مر قومہ یی ترک ایدرک
 برکمی یہ بنمک اوزرہ بولندینی و کمی طائفہ لرندن برینک کمینک
 باشندہ (تهزه) یی بکله مکده و دیکر ایکی طائفہ نک ده کمی یہ آغر
 بر یوک تحمیل ایتمکده اولدقلری و کمینک کنارندہ ده بر یونس
 بالغنک قاقچمده بولندینی اراۛ ایدر. رومالیر زمانندن قالمہ بر
 اثر نفیسدر.

۳۸ — یاصه مرمرده مصنوعه لحد .

محل ظهوری سلانیک — ۱۳۰۵ —

ارتفاعی ۱,۳۸ طولی ۱,۹۰ و عرضی ۰,۹۰ در .

تکنه سنک یوزی مستطیل الشکل اولوب قاعده سی نقوش واوست کناری قورنش ایله مزیندر . بیوک یوزک کوشه لرنده (قار- یاتید) خدمتی ایفا ایدر ایکی چبلاق (آمور) و آرقه طرفنده ایسه ینه (قاریاتید) اوله رق کوشه لرنده ایکی قره قوش رسملری موجوددر . اوک طرفنده اولان بیوک یوزک مرکزنده اساطیر یونانیه دن (پسیشه) و (آمور) یکدیگری نه صاریلوب اوپوشمکده اولدقلری حالد بر آتشدکه یاننده و آباق اوزرنده طور مقده درلر . بونلرک صاغ و صول طرفلرنده دخی ایکشیر عدد چبلاق (آمور) بولنمقده و بونلردن اوکده کیلر دوشمک استعدادینی و آرقه لرنده کیلرده بونلری دوشمکدن منع ایدر بر طور ی اراهه ایلمکده درلر . صول طرفنده کی (آمور) آتشدکه نک اوزرینه چیچکدن مصنوع بر چنبر وضع ایتمکده و صاغ طرفنده کی (آمور) دخی الیه برکبک طوتمقده در . — آرقه جهتنده کی بیوک یوزده دخی ایکی آرسلان قفاسی بینلرنده ایکی آصقی بولنمقده واورته سنده چبلاق بر (آمور) بولنه رق آصقی یی طوتمقده در . — کوچک یوزک برنده قنادلی بر (سفنکس) ودیکر یوزنده دخی آیاقدنه چبلاق بر (آمور) موته علامت اولمق اوزره النده باش آشاغی طوتلمش بر مشعله بولنمقده در . قباغک اوزری کیره مید تقلیدی

وطام شکننده در. رومالیر زمانندن قاله آتارلرک متوسطلرندندر.

۳۹ — ییاصه مرمرده مصنوعه لحد .

محل ظهوری سلفکه. فریقان کرامدن حسن ادیب پاشا
حضر تلری طرفندن کوندرلشددر. — ۱۳۰۸ —

ارتفاعی ۱,۲۵ طولی ۲,۶۰ و عرضی ۱,۳۰ در.

قباغی نقصاندر. اوزرنده کی رسملردن بش دانه سنک قفالری
دوچار تخریب اولمش وهر نه قدر تخری ایدلمش ایسه ده اله
چکریله مامشدر. تکنه سی مستطیل الشکل اولان اشبو لحدک
درت جهتی ده مصور اولوب بونلردن ایکی بیوک یوزنده اوچر
حجره موجوددر. بوجره لرک هر برلرینک اوزری غایت نقشلی
(فرونتون) لرله مزین اوله رق سققلری ششخانه لی و(قوره تی)
اصولنده ستونلره اسناد ایدلمشدر. حجره لرک ایچنده و آره لرنده
آیاق اوزرنده اون شخص کوریلور. — اوک طرفده اولان
بیوک یوزک اورتیه سنده موته اشارت اولق اوزره بر چبلاق
(ژهنی) بولنوب صول الیه برجنبر طوتمقده در. صاغ و صو-
لنده ایکی قادین و ایکی ارکک رسملری موجوددر. — دیگر
بیوک یوزک مرکرنده اشبو لحدده مدفون اولان ذات براسکمله
اوزرنده اوطور مقده در. صاغ و صول طرفلرنده بر قادین ایله
بر آت طوتمش ایکی ارکک رسمی کورلمکده در. — کوچک
یوزلردن برنده بر حجره بولنوب ایچریسندده صقاللی بر شخص

وصاغ وصول طرفلرنده برر ارکک رسملری وارددر. — دیگر کوچک یوزندهده اساطیر یونانیهدن (مه له آغر) برآت اوزرنده بولنه رق بر جانواره هجوم ایتمکده و آرقه سنده قائماً بر آوجی بولنوب النده بر قالقان طوتمقدهدر. رومالیرک ادوار اخیره سنبه متعلق ومتوسط درجهده بولنان ائاردندر.

۴۰ — صاری مرمرده مصنوع لحد.

محل ظهوری طرابلس غرب. — ۱۳۰۳ —

طولی ۲،۱۰ و عرضی ۱،۱۰ و ارتفاعی ۰،۹۷. تکنه سنک یوزی مستطیل الشکدر. بولحدک صورت اعمالی ناتمامدر. اوچ یوزی هنوز تمامیه ایشلنمیوب یالکر بریوزی مصنوعدر. قاعده سنده واوست کنارنده چیچکلی قبارتمه لر موجود اولوب بویوزک ایکی اتها سنده برر آغاج و مرکزنده (هیپولیت) چبلاق واحرامی اوموزینه آتمش و آویجاغی قایشله بویینه آویلمش وصول الیه اوزون براوق طوتمش اولدینی حالده کوریلور. (هیپولیت) اوکنده رکوبنه مخصوص کملی و باشقلی آتک صبرسنر. لقله حرکتیه آماده بولنمقده و چبلاق وصاغ اوموزلرینه احراملر آویلمش ایکی نفر آوجیده او موقعدن اوزاقلاشمقدهدرلر. (هیپولیت) بوصورتله صید شکار نیتیله حرکت ایتک اوزره ایکن (فدرا) نک سود ننه سی اولان اختیار قادین کندیسنی لقردییه طوتاهرق الیه یازی یازمغه مخصوص الواح اوزا.

تمقده در. مرقومه نك آرقه سنده قائماً طور مقده اولان كنچ
برقادين النى چكه سنه طوتارق (هپوليت) له سودنه بيننده
جريان ايدن محاوره يي ديكله مكده در. بونلرك صولنده (فدرا)
احرام تلبس ايتمش وباشنده برنقاب وصاچلرينك اوزرنده
چيچككن معمول بر چنبر بولنديغى حالده آرقه لى براسكماله
اوزرنده اوطوره رق آرقه سنده طوران قادينلردن بريسيلاه
قونوشمقده در. (فدرا) نك آياق اوچنده دخی آياقده طور مقده
اولان بر (آمور) برالنئ (فدرا) نك ديزينه وضع ايدرك يوزينه
باققده در.

مذكور لحدك قباغك اوزرى كيره ميت شكنده نقشلرله
مستور بردامه مشاهد در. درت كوشه سنده فن معماری يه
عائد تزييناتدن برر (آقروتهر) و لحدك ايشلنمش اولان يوزى
طرفنده كى مذكور (آقروتهر) لرك يانلرنده دخی اللرنده اوزوم
صالقمی طوتمش برر (آمور) رسمی موجود در.
روماليلر زمانندن قاله آثارك اولدجه اعلالرندن معدود در.

۴۱ — ياصه مرمرده مصنوعه.

محل ظهوری سلانيك. — ۱۳۰۲ —

ارتفاعی ۰,۹۶ عرضی ۰,۸۶ وطولی ۲,۱۰ در.

كوشه لری قيريقدر. بيوك يوزلری تخریب اولنمش وقباغی ده
نقصاندر. تكنه سنك يوزی مستطیل الشكلدر. قاعده سنده

بر طاق آصقی نقشلی موجود اولدینی کبی اوستنک کنارنده ده
 بر قورنیش وارد در. درت گوشه سنده درت عدد ستون مرکوز
 بولنوب قاعده لرینک آلتنده وصاغ طرفنده بر جانوار وصولده
 بر کلب رسمی موجود در. — لحدك بیوك یوزلرندن بری اساطیر
 یونانیه دن (باکوس) ك صورت کذران حیاته عائد بر وقعه
 مستانه یی تصویر و ارائه ایدرکه باشلیجه اوج قسمه منقسمدر.
 شویله که اورته یرده بر چبلاق شخص النی قالدیرمش اولدینی
 حالده رقص ایتمکده و اوکنده دخی اوموزندن بر (تونیک)
 صارقتمش والنده بر دف طوتمش اولان بر قادین رقصه اشتراك
 ایتمکده در. صاغ طرفنده (باکوس) ك استادی اولان (سیلهن)
 دودوك چالمقده و آنك ارقه سنده ده (باقانت) تسمیه اولنان
 رقاصه النده (لیر) تعیر اولنور بر سازله اجرای آهنگ
 ایلمکده در. صول طرفك منتها سنده بر النده بر (تیرست)
 و دیگر النده بر قره جه طوتمش بر (باقانت) و اوکنده دخی
 احرامه بورنمش والیریه ذیل چالمقده بر (ساطیر) و بونك آیاق
 اوجنده ده باکوسه علامت اولان ارسلان رسمی کورلمکده در. —
 لحدك دیگر بیوك یوزنده قارشولقلی ایکی عدد (غریفون)
 تسمیه اولنان حیوان موهوم رسملری موجود اولوب بر سهپا
 اوزرنده اوطور مقده درلر. لحدك کوچك یوزلرندن برنده
 قنادلی بر (سفنکس) و دیگر کوچك یوزنده (آریان) ك ناقسوس
 آطه سنده کائن مغاره ده اویودینی و بغه (باکوس) ایله

ارقداش لرندن برینک مغاره یه کیردیکی کوریلور. اورتده اوزوملی بر آصمه بولمقده در. (غره قو — رومن) دورینک متوسط اعتبار اولنان آتارنددر.

۴۲ — بنازه یه متعلق بویالی رسم (فره سک).

محل ظهوری صیدا — ۱۳۰۶ —

جبل لبنان متحیزانندن سلیم بک جنبلاط طرفندن موزه یه اهدا اولمشدر. ارتفاعی ۱,۳۷ و عرضی ۰,۶۴ در. رطوبتدن زیاده جه بوزلمشدر (تونیک) تلبس ایتش آیاقده برقادین صاغ النی حزنه دلالت ایده جک بر صورتده باشنه وضع ایتمشدر. آیاق اوچنده جنازه یه متعلق برقوانوز بولنور و باشی اوزرنده چیچکدن مصنوع بر آصقی رسم اولمشدر. رومالیر زمانندن قالمه آتاردندر.

۴۳ — کبرج طاشنده مصنوع مزار طاشی (سنل).

محل ظهوری صیدا — ۱۳۰۶ —

موزه هایون مدیری حمدی بک طرفندن صیداده ایکنجی دفعه اوله رق اجرا ایدیلان حفریاتده ظهور ایتمشدر. ارتفاعی ۱,۱۰ عرضی ۰,۵۴ و قالینلی ۰,۱۶

اوزرنده کی انسان رسمنک قفاسی قیریقدر. بویالی رسم علامتی کوریلور. اوزرنده مثلث الشکل برجهه اولوب مذکور

جبهه ایکی عدد (قوره تی) طرزنده ستونلره اسناد ایدلمشدر .
 بو ایکی ستونك آره سنده بر قاعده اوزرنده و آیاقده احرام
 تلبس ایتمش بر شخص موجوددر. التنده یونان حروفاتی محكوك
 بر کتابه کوریلور. خرستیانلق زمانندن قاله بر اثردر.

۴۴ — یاصه مرمرده مصنوع مزار طاشی (ستل).

محل ظهوری سومبکی آطه سی (سیمی) — ۱۳۱۰ —

ارتقاعی ۲,۲۰ عرضی اشاغی طرفده ۰,۵۴ یوقاری
 طرفنده ۰,۴۶ و قالینلی ۰,۲۲ در. مذکور آطه اها لیسندن
 پتریدی افندی طرفندن موزه هایونه کوندریلان بومزار
 طاشنك اوزرنده کی نقوشك قبارتمه سی آذر ۱,۷۲ ارتقاعنده
 وایاق اوزرنده یان طرفندن کورینور وصاغ جهته متمایل قیصه
 بر (تونیک) تلبس ایتمش بر انسان رسمی اولوب صول النده
 اوزون بردکنکه طیانه رق مشی و حرکت طورینی اراؤه ایتمکده در.
 بوشخصك الت طرفنده بریبان طوموزی مر تسمدر. میلاددن
 بش عصر اول یاپلمش بر اثر قدیمدر. بو طاش اورته دن قیریق
 اولدینی کبی اوزرنده کی انسان رسمنك قفاسی دخی تخریب
 ایدلمشدر .

۴۵ — یاصه مرمرده مصنوع مزار طاشی (ستل).

محل ظهوری الاکلیا (بهلا) — ۱۲۸۹ —

اسبق سالنيك واليسى مرحوم صبری پاشا طرفندن
 كوندرلمش اولان بواترك ارتقاعی ۱,۹۰ عرضی ۰,۶۰ وقالینلنی
 ۰,۱۰ اولوب اوست طرفك صاغ جهتی جزوی قیرلمشدر.
 مثلث الشكل اولان جبهه سی مقطوعدر. ایاقده بردلی قانلی نك
 باشنده مخروطی الشكل برسرپوش اولدینی حالده صول طرفه
 متوجه اولدینی کوریلور. کوكده سی و باجاقلی چبلاقدر.
 صول اوموزنده خفیف بر احرام بولنور. وجودینك ثقلتی
 صاغ باجاقته ویرمشدر. صول ایاغنی زمیندن جزوی قالدیر.
 مشدر. بوشخصك صاغ النده بر اوق کوریلور وصول الیله ده
 برقالقانه طیانمشدر. صاغ طرفندنه برقیلجك اوجی کورنمکده
 در. ازمنه یونانیه دن قبل المیلاد دردنجی عصرک انفس
 ائارندندر.

۴۶ — پیاصه مرمرده مصنوع مزار طاشی.

محل ظهوری بلقیس قلعه (کیزیک).

ارتقاعی ۰,۴۶ و عرضی ۰,۳۰

بر حجره دن عبارت اولوب درونشده برکنج ارکک رسمی
 موضوعدر. رومالر زمانندن قاله بر مزارده بولنمشدر.

۴۷ — پیاصه مرمرده مصنوع مزار طاشی (مثل).

ارتقاعی ۰,۶۱

ایکی عدد دوریک اصولنده ستونلر ایله اوزرنده کی بر
صیقاقدن متشکل بر حجره اولوب دروننده ایاقده طور مقده
وصول النده بر قوش طوتمقده اولان بر چوجق رسمی موجود
وصیقاغک اوزرنده بر اسم محکو کدر . روما ائارندندر .

۴۸ — یاروسن آطه سی مرمرنده مصنوع (ساراب) نام لده .

محل ظهوری صیدا — ۱۳۰۵ —

موزة هایون مدیری حمدی بک طرفندن صیداده ایلک
دفعه اوله رق اجرا ایدیلان حفریاتده ظهور ایدن اشبو لحدک
ارتفاعی ۱،۴۴ وقاعده سنک عرضی ۱،۱۸ وطولی ۲،۸۸
وقبارتمه لرینک قالینلی بئسانتیمترودر . بولحدک بعض نقطه لرنده
مائ بویا نشانه سی بولنسنه نظراً وقتيله ملون اولدیغی اشکاردر .
کشف ایدلدیکی مغاره دروننده صو تراکم ایتمش اولدیغندن
اوزرنده کی رنکدر محو اولدیغی کبی قبارتمه رسملر دخی
بر درجه یه قدر آشنمشدر . ازمئه قدیمده ایلک دفعه اوله رق
بوکی ائاره تصادف ایدوبده بر فکر جاهلانه ایله تخریبه قیام
ایدنلر طرفندن قیاق وتکنه سنک بر کوشه سی دوچار تخریب
ایدلمش وموزة هایونه نقلی متعاقب حسن صورتله تعمیر اولنمشدر .
لحدک درونی (انتروپوئید) شکلنده در . قاعده سی واوست طرفی
کوشه لری نقوش مختلفه ایله مزیندر .

لحدک موزة قپوسی جهته ناظر اولان بیوک یوزنده صول

طرفه طوغری ارقه‌لی بر اسکمله اوزرینه اوطورمش اولان
صقاللی بر شخصک باشنده سپوری بر تاج (تی یار) بولندی
وبرا حرامه بورنمش اولدینی و صول النده بر عصا طودینی
کوزیلور. شخص مرقوم درت آته قوشلمش اولان. و (قادریش)
تسمیه اولنوب متهی حرکت بولنان عربہ ایله بو عربہ بی اداره
ایده جک ادمک صورت رکوبنی تماشا ایلمکده در. اوزون
بردکنکه طیانش و قیصه بر کوملک کیمش اولان خدمتکار
عربہ اتلرینک اوکنده طور مقده واتلری حرکتدن منعه
دقت ایتمکده در. بونک اوکنده دخی ینه بر خدمتکار ایله
یده کنده برات بولنمقده در. اسکمله اوزرنده اوطورمش
اولان شخص لویه دارک ارقه سننده دیکر ایکی خدمتکار
قائماً طور مقده در. — لحدک دیکر بیوک یوزی بر صید شکار
هیئتینی تصویر واره ایدر. شویله که اورته ده ات اوزرنده
بولنان (ساتراپ) اوکنده کی ارسلا نی اورمق اوزره اولوب
قارشو سننده کی بر سواری ده مذکور ارسلا نه براوق صاپلامقده.
در. صاغ طرفده بر سوارینک آدن دوشمش اولدینی و صول
طرفده دخی یاره لنمش بریک و انک ارقه سننده آتی ضبط
ایتمکله مشغول بر سواری کورنمکده در. — لحدک کوچک یوز.
لرندن بری جنازه یه مخصوص بر ضیافتی مصوردر. (ساتراپ)
بریتاق اوزرینه اوزانوب یاتمش اولدینی حالده صول ایله
برکاسه طوتمقده و قائماً اوکنده طوران اوزون بر (تونیک)

کیمش بر قادین ده النده کی صراحیده کی مایی بوینوز شکلنده
بر قابه دو مکله مشغولدر. یتاغک صاغ طرفنده ایاقده وصول
طرفنده باشی اورتیلی اوطور مقده اولان برر قادین شو حالی
تماشا ایلمکده درلر. لحدک دیکر کوچک یوزنده قیصه برر لباس
کینمش والوزنده برر دکنک طوتمقده اولان درت نفر دلیقا
نلینک قائماً یکدیگریله قونوشمقده اولدقلرینی ارائه ایدر.

قباغک هیئت مجموعہ سی معابد یونانیہ سقفلرینی تقلیداً
اعمال ایدلمش اولوب ایکی باشنده مثلث الشکل (فرونتون)
واوزرلرنده (آقروته) لر موجوددر.

اشبو اثر نفیس قبل المیلاد بشنجی عصرده وجوده کتیریلان
انارک الک نادرلرنددر. لحدک اوچ یوزنده محکوک و مرتسم اولان
بر شخصک شکل و هیئته نظراً بونک آسیا اکابرندن برینک
قبری اولمق احتمالی وارد خاطر در.

۴۹ — بیاصه مرمرده مصنوع (نومہ کرانه) نام لحد.

موزۀ هایون مدیری حمدی بک طرفندن ایلك دفعه اوله رق
صیداده اجرا ایدی لان حفریاتده ظهور ایدن آثار نادره دن
اولان بولحدک ارتفاعی ۱,۶۷ وقاعده سنک عرضی ۱,۳۸
وطولی ۲,۶۸ اولوب قبارتمه لرینک قالینلیغی ۵۵ میلترودر.
بولحدک اوزرنده مائی وقرمزى وصاری بویا اثرلری مشهود
اولسنه نظراً عن اصل کونا کون رنک لره تلوی ن ایدلمش اولدیغی

اڪلاشيلير. بواثر نفيسي اڪ اول تخريبه قيام ايدنلر قباغك
وتكنه نك برکوشه سيله اوفاق يوزنده كي بر رسمك باشي شڪست
ايتملردر. يانلزي مستطيل الشكل اولان تكنه بر اينجه قبارتمه
(فریز) ايله محاط بر قاعده اوزرينه موضوعدرکه تقريباً يوزي
متجاوز اشخاص مسلحه دن مرکب و آبي وارسلان و قپلان
و جانوار کي يرتجی بر طاقم حيوانات مختلفه ايله اوغراشمقده
بولنان بر آو هيئتني وقبارتمه نك اوفاق يوزلري ايسه آوجيلرك
صيد شكاردن عودتي ارأه و تصوير ايدر (*). تكنه نك درت
کوشه سنده درت عدد کوشه لي ستون بولنوب بولنرك مايننده
اولق اوزره بيوك يوزلرده بشر و اوفق يوزلرده ده ايکيشر
عدد (ايونيا) اصولنده واولوقلي وقاعده لري (آيقا) اصولنده
ديرکلر موجوددر. مذکور ستونلرك ييننده مجموعي اون سکر
اولق اوزره يوکسك قبارتمه واحرام تلبس ايتمش برر قادين
تصويري بولنوب بولنلردن بعضيسنك اوطور مقده و بعضيسنك
قائماً مختلف وضعلرده طوره رق اشکريز تأثر واضطراب
اولمقده بولندقلري کوريلور. بولحدی وجوده کتيرمش اولان
هیکل تراشك بيوك بر اثر مهارت ابراز ايلديکي اوزرنده بولنوب
بورايه قدر تعريقي صد دنده بولنديغمز تصاويرك هر بيرينه بر بشقه
وضعت وير مکده کي صنعتيله پک کوزل تقدير اولنه بيلور.

(*) لحدك جوارنده کي ديواره تصاوير مجوئه نك آلچي ايله آلديريلان
قالبرينه مراجعت اولنه.

قپاغك هيئت مجموعه سى قديم يونان معبدىنك سقفنى تقليداً
 پاپيلوب كوچك طرفلرنده مثلث الشكل جبهه لرى (فرونتون)
 بولنديكى كى بو مثلثلرك زروهلرنده موضوع (اقروتهر) لرك ايكي
 جبهه سنده ده ايكيشر شخص وقپاغك درت گوشه سنده برر قنادلى
 (سفنكس) بولنمقده در. قپاغك اوستى مثلث الشكل جبهه نك
 ضلعلى استقامتمنده واىكى طرفه اقتيلى واوزرى يصى كيره ميد
 تقليدنده برر سقف ايله مستوردر. جبهه ده كى مثلثلرك ايچنده
 از قبارتمه اوله رق اوچ دانه اغلامقده بولنان قادينلر برقبرك
 اطرافنده ياتمقده درلر. قپاغك بيوك يانلرنده يكدى كرينه تماميله
 مشابه ايكي جنازه الايى كذلك از قبارتمه اوله رق نقش وتصوير
 ايدلمشدر. لحدى چكن عربه نك اوكنده درت اتلى برعربه
 (قادريژ) دها بولنمقده در. بونك اوكنده يدكلرنده برر آت
 بولنديره رق ايكي خدمتكار ايله برابر لحدى چكن مذكور
 عربه نك آردى صره ايكي خدمتكارله بر آت بولندينى حالده
 جمله سنك قبره طوغرى متوجه اولدقلى كوريلور. قلوبه
 بخش ايدى چكى تاثيرى تزويد ايچون بوالاى حزن اتمانك اوكى
 صره بر احراره صارنمش برقادين محزونانه يوريمكده در. جنازه
 الاينك التنده وقپاغك هر ايكي جهتنده طقوز ارسلان قفاى
 كوريلور.

اثر نفيسه و نادره دن اولان بو لحد ميلاددن درت عصر
 اولكى (اتيكا) صنايع بديعه سنه منسوبدر.

۵۰ الی ۶۰ — (میب) تعبیر ایدیلره اوره عدد کورمک

مزار طاشلری.

موزه‌هایون مدیری حمدی بک طرفندن ایکنجی دفعه
اوله رق صیداده اجرا ایدیلان حفریاتده ظهور ایدن ائاردندر

— ۱۳۰۶ —

مرمر و یاخود کیرج طاشندن معمول اولان و مختلف جسام
متده بولنان اشبو قدیم مزار طاشلرینک جهت علیاسی بر آصقی
ایله مزین اسطوانه دن بر قاعده اوزرینه موضوعدر و بوقاعده نک
اوزرنده خطوط یونانیه محکوک اوله رق بونک احتوا ایلدیکی
معناده متعلق اولدیغی قبر صاحینک اسم و سنی بیلدیرر. ازمنه
خرستیانیه نک مقدماتنه عائد ائاردن اولوب بعضلری خرستیانلره
و بعضلری ده بت پرستلره متعلقدر.



ایک:جی سالون

۶۱ الی ۶۶ — سالونک قیوسندن کیریلدیکی حالده صاغ وصول طرفلرده بولسان حجره لره موضوع و کیرج طاشندن معمول الی عدد — قبریس مزار طاشلری (سپ) — کو- زیلورکه بونلر قاعده و باشلی اسطوانی الشکل اوفق دیرکلردن عبارتدر و اوزرنده موتانک اسمی یاخود بر دعا محکوکدر. رومالور زمانندن قالمه اتاردندر.

۶۷ — مخروطی الشکل طاسه (فالوسن). محل ظهوری بیروت. — ۱۳۰۶ — بیاض مرمردن اولوب ارتفاعی ۰,۴۵. زروه سی قیریقدر. ایلک صیدا حفریاتی اثناسنده بیروتدن آلتوب کتیرلمشدر.

۶۸ — طویراقده معمول لده. ایکنجی صیدا حفریاتنده ظهور ایدن بولحدک ارتفاعی ۰,۵۰ و طولی ۱,۹۷ و عرضی ۰,۵۴ در. قیاقسز اولان تکنه نیک یوزی مستطیل الشکل اولوب اوزرنده هیچ برکونه تزینات یوقدر.

۶۹ — طویراقده معمول لحد .

(۶۸) نومرونك عینی در .

ارتفاعی ۰,۳۸ و طولی ۱,۹۱ و عرضی ۰,۵۴ در .

۷۰ — طویراقده معمول رسمی لحد .

محل ظهوری از میر جوارنده اورله اسکله سی در — ۱۳۰۱ —

طولی ۲,۱۵ و عرضی ۰,۹۷ و ارتفاعی ۰,۶۵ و قالینلنی ۰,۱۸ در .

وقتیلله قیرلمش اولان اشبو لحد مؤخرأ تعمیر اولنمشدر :

اوزرنده کی رسملر اولدجه بوزوقدر . لحدك یوزلری مستطیل

الشکلدر . تکنه نك کنارلری یصی و بویالی رسملرله مزیندر .

اوفق طرفك بر نصفك کناری اوزرنده بر عربنه نك بر محارب

طرفندن اداره ایدلمکده و آرقه سی صره بر سواری ایله بر کلبك

تعقیب ایتمکده بولندقلری و نصف آخرنده ینه عینی رسملر

اولدینی کوریلور . یانلرنده و صاغ وصول طرفنده مدور

قالقانلرله و مزراق ایله مجهز اولدینی حالدده ایکی محاربك یره

دوشمش اوچنچی بر شخصه هجوم ایلدکلی مشاهده اولنور .

الت طرفنده انواع نقوش موجوددر . الت طرفنده دیگر بر

محارب بر شاهین طوتمقددهدر . دیگر کوچك طرفنده ایکیشر

آت قوشلمش ایکی عربنه نك صاغه و ایکی عربنه نك صول جهته

متوجه اولدقلری و بو عربنه لرك التنده بر کلبك قوشمق طورنده

بولدینی مرئیدر . بور رسملری وجوده کتیرن بویالر بیاض

وسپاه و قمرمزی واسمر و آچیق صاری رنکلردر .
 قبل المیلاد التنجی عصرده وجوده کتسیریلان آئاردن
 و (ایونیا) مملکتی مصنوعات قدیمه سندندر .

۷۱ — طبراقده معمول رسمی طه .

محل ظهوری از میر جوارنده اوراله اسکله بی در - ۱۳۰۱ -
 طولی ۲,۰۷ و قسم علیاسنک عرضی ۱,۲۰ و قسم سفلا -
 سنک عرضی ۱,۱۲ در . تکنه نك قسم سفلاسی ناموجود اولوب
 یالکز مختلف جهتدن قیرلمش اولان کناری محافظه ایدلمشدر .
 صاغ طرفک کوشه لری قیریق و اوزرنده بولنان بویالی رسملر
 زیاده جه بوزلمشدر . لحد منحرف الشکل اولوب اوستنده بولنان
 قیو اسمر رنکده کی رسملرک زمینی آچیق صاریدر . کوچک
 جهتلردن برینک اوستنده قاسکلی بوقالقان ایله مجهز ایکی
 محارب وارددر . بوقالقانلردن برینک اوزرنده بر آرسلان رسمی
 و دیکرینک اوزرنده ییلان ایله محاط بر (مه دوز) قفاسی کو -
 ریلور . بویکی شخص دیکر قالقانی و باشی اوزرنده بر قوش
 طنیران ایتکده اولان بر شخص ایله صاواشمقده در . صاغ
 طرفنده آرقه سندن بر آدم کلکده در و آباق اوجنده بر کوپک
 قوشمقده اولان بر سواری مشاهده اولنور . صول طرفنده
 ینه عین حال مرتسمدر . الت طرفنده و صاغ وصول جهتلرده
 آرسلان و قره جه وسائر رسملر نقش اولنمشدر .

قبل المیلاد التتجی عصرده وجوده کتیریلان آثاردن
و (ایونیا) مملکتی مصنوعات قدیمه سندندر .

۷۲ — طور اقدمه معمول طه .

محل ظهوری از میر جوارنده اورله اسکله سی در - ۱۳۰۱ -
طولی ۲,۵ و ارتفاعی ۰,۴۱ و ۰,۳۶ و قالینلی ۰,۲۴ در .
تکنه نك التي كاملا دینه بیله جك بر صورتده قیرلمشدر . یالکز
کنارلری اولدجقه ابو بر حالدہ محافظه اولنمشدر . لحدك باش
طرفی دها یوکسك و آياق اوجی بالنسبه آچاقدرد . تکنه ده نقوش
اثری یوقدر . نقوشك كافه سی کنارلر اوزرنده اولوب آچیق
صاری زمین اوزرینه قیرمزی رنكلرله رسم ایدلمشدر .
یوکسك طرفك کناری اوزرنده ایکی محارب یره دوشمش
بر اوچنجی شخصك اطرافنده صاواشمقده در . صاغ وصول
طرفلرنده آتلی ایکی عربہ و عربہ لرك اوکی صره بر آتلی و بر
کوپك بولنمقده در . بونلرك التنده (مه آندر) نقشلریله تفریق
اولنمش برر (سفنکس) و دها التنده ینه صاغ وصول طرفده
بر محاربك قوشمقده اولدینی و آنك التنده ده یعنی لحدك ایکی
اوزون کناری هلزونی و خرما یا پراقلریله قارشمش بر اورکی
ودها التنده قاسکه لی ایکی محارب قفاسی اولدینی کوریلورده
لحدك دیگر کوچك طرفنده ایسه ایکی آرسلان آره سنده
بركك رسمی موجوددر . قوللانیلان رنكلر قرمز متراق
اسمر و آچیق صاریدر .

قبل المیلاد التتجی عصرک آثارندن و (ایونیا) مملکتی
مصنوعات قدیمه سندن در.

۷۳ — یاصه مرمرده مصنوع قبارتمه طاسه (بارهل یف):
محل ظهوری برغمه قلعه سی اتکنده اولوب بالطه جی
دیوستان بک طرفندن کوندر لمشدر — ۱۳۰۳ — ارتفاعی ۰,۶۵,
طولی ۰,۸۰ در. بواثرک ایکی کوشه سیله اوزرنده کی آتک
قفاسی و اوک آیاقلری قیریق و اورته ده بولنان شخصک قفاسی
نقصاندر. اورته سنده معابد یونانیه ده قربان کسمکه مخصوص
مدور بر (اوتل) موجوددر. بونک آرقه سنده بر آغاج
بولنوب آغاجک کوکنه برییلان صارلمشدر. صول طرفده
براحرامه صارلمش و بر (سیپ) اوزرینه طینامش برقادین رسمی
کوریلور. صاغ طرفده چبلاق دینه بیله جک بر حالده و آیاقده
بولنان برارکک (اوتل)ک اوزرینه النده کی قدحده بولنان شیئی
دو کمکده و (اوتل)ک یاننده بر کوپک اوطور مقده در. بالاده
محرر شخصک صاغنده اکرلمش بر آت کنج بر جنکا و رک
یدکنده بولنمقده در.

قبل المیلاد اوچنجی عصرک نهایتده ویا دردنجی عصرک
اوائلنده وجوده کتیرییلان آثارک اک نفیسلرندن در.

۷۴ — مرمرده مصنوع قبارتمه آثار ندریه در لوم.

محل ظهوری سالنیک — ۱۲۸۸ —

اسبق سالنیک والیسی صبری پاشا مرحوم طرفندن
 کوندریلان اشبو اترك ارتقاعی ۰,۶۰ عرضی ۰,۴۷ در. اساطیر
 یونانیهدن (أسکولاب) ایله کریمه سی (هیغیا) نك مقدس ییلانی
 بسله مکده اولدقلرینی ارائه ایدر. اشبو اثر نفیس میلاددن
 بش عصر مقدم اعمال ایدیلان آتارک اک کوزلرندن واک کوزل
 محافظه ایدلمش لرندندر.

۷۵ — یاروسن مرمرنده مصنوع (لیکیا) طرزنده طر.

موزه مدیری حمدی بك طرفندن برنجی دفعه اوله رق
 صیداده — ۱۳۰۴ — ده اجرا ایدیلان جفریاتده ظهور ایدن
 بولحدك ارتقاعی ۲,۱۳ و تکنه سنك قاعده سنده طولی ۲,۵۵
 و عرضی ۱,۳۷ اولوب اوفق یوزلردن بریسی وقتیه تخریب
 ایدلمشدر. لحدك اوزرنده بولوب زائل اوله درجه سنه کلان
 بویا اثرلرندن بولحدك اولجه ملون اولدینی آکلاشیله بیلیر.

اشبو لحد بر عدد یوکسك و یوزلری منحرف الشکل
 تکنه ایله برده نصف بیضی شکنده برقاقدن عبارت اولوب
 بوقاغك ایکی بیوک یوزنده قولب کی ایکیشر حقیقتی واردن.
 لحدك هیئت مجموعه سی قدیم (لیکیا) مملکتی صنعتیه مخصوص
 برشکلده در. تکنه نك درت جهتی کنیش برچارچوبه ایله محاط
 اولوب بوچارچوبه نك اورته سنده قبارتمه تصاویر موجود

اولدینی کبی قسم علیاسی ده سادہ بر قورنیش ایله مزیندر .
کوچک یوزلری (سنتور) لر محاربہ سنی ارانہ ایدوب بونلردن
غرب طرفہ تصادف ایدن یوزی مجادلہ یہ بر قرہ جنک سبیت
ویردیکنی بیلدیرر . — شرق طرفہ دہ (لاپیت) قومہ منسوب
بر شخصک ایک (سنتور) ایله مجادلہ سی ائناسندہ یرہ دوشدیک
حالدہ مقاومت غیرتندہ بولندیکی کوریلور . — بیوک یوزلردن قپو
طرفہ تصادف ایدن یوزدہ بر جانوارہ هجوم ایدن اسب سوار
بر آوہیتی موجوددر . — دیگر بیوک یوزی اوزرنده ایسه ایک
(قادریژ) ہ را کب اولمش (آمازون) لک بر آرسلان آوندہ
بولندقلری مشاہدہ اولنور . — قباغک قاعدہ سی سادہ ایک شرید
ایله محاط اولوب بیوک یوزلرنده بالادہ ذکر اولنان و قولب
خدمتی ایفایہ مخصوص اولان درت عدد آرسلان قفالریلہ
بونلرک اوک آیاقلرندن بشقہ تصویرہ متعلق برشی کورلمز .
قباغک کوچک یوزلرینک ذروہ سندہ برر (آقروتہر) موضوع
اولوب اونقطہ دن بدأ ایله قاعدہ یہ قدر بر خط مستقیم ایله
ایکیہ منقسمدر . شرقہ ناظر اولان یوزدہ ایک عدد قارشو-
لقلی (غریفون) موضوع اولوب جهت غریب سندہ قنادلرینی
آچمقدہ اولان ایک (سفنکس) رسمی موجوددر . بونلرک علائم
وجہیہ سی فوق العادہ بر صورتدہ سکوتی تجسم ایتدیرر .

اشبوحہ قبل المیلاد بشنجی عصرک نہایتہ ویاخود دردنچی
عصرک اوائلنہ یعنی آئندہ ہیکل تراشلق صنعت نازک سنک درجہ

کماله واصل اولدینی و (لیکپا) نك آتیهه تابع بولندینی زمانده
وجوده کتیریلان آثار نادره دندر.

۷۶ — ییاصه یانتلیک مرمرنده مصنوع اولوب (اسکندر

مزاری) نافیه اشهار ایلمسه اولاره لحه کیر.

موزه مدیری حمدی بك طرفندن صیداده — ۱۳۰۴ — ده

اجرا ایدیلان ایلک حفریاتده ظهور ایدن آثار جمله سندن اولان
بولحد کیرک مجموع ارتفاعی ۲,۱۲ و تکنه سنک قاعده سننده کی
طولی ۳,۱۸ و عرضی ۱,۶۷ در.

تکنه نك و قپاغك شرق شمالی جهته تصادف ایدن گوشه.
لری ازمنه قدیمده دوچار تخریب اولمشدر و محلنده جمع ایدیلان
اوچ یوزی متجاوز پارچه لری موزه یه نقلی متعاقب صورت
مکمله ده یرلی یرینه وضع ایدلمش ایسه ده بیوک یوزلرده برر
قفا نقصان اولدینی کی شرق جهته تصادف ایدن جبهه مثلثه نك
برکوشه سی و غرب طرفه تصادف ایدن کوچک یوزك اوزرنده
بر آتک ایاغی و شرق جنوبی طرفه تصادف ایدن گوشه ده دخی
برارسلان و قپاغك کنارنده بولنان کچی قفالرندن ایکی عددی
وینه قپاغك کنارنده کی اوفق قادین قفالرندن بر عددی نقصاندر.
جهت شمالده کی بیوک یوزك اوزرنده بولنان آت ایاغی و جهت
غربیده کی کوچک یوزك اوزرنده بولنان بر آوجینك دمیرله
طوتدرلمش قولی اوزرنده اجرا ایدیلان تعمیرات ازمنه قدیمده

وقوعبولمشدر . جابجا مذکور لحدك اوزرنده بولسان اولان مختلفه مغاره ده بولنديغی هنكآمده رطوبت موقته دن طولايي انظاره دها رونقلى و براز دها پارلاق كورنمكده ايكن خارجه چقاريلدقدنبرو بالنسبه رنكلره جزؤى اچيقلق وخفت عارض اولمشدر . فوق العاده بر صورتده اعمال اولنه رق زمانمزه قدر حسن محافظه ايدلمش اولان بو لحد كبيرك قاعده سى و يوزلرى اوزرنده بولنان نقوش (فريز) و (آقروتهر) و موضوع اولدقلى مزين دامى و تصاویر متعدده يى حاوى جهات مثلثه ايله مزين جهتلرى نظر دفته النديغی صورتده هيئت مجموعه سبندن زياده جه اوزون بر معبد يونانى شكلنده بولنديغی كوريلور . لحدك تماميله مستطيل الشكل يوزلرله محاط اولان تكنه سى ۱۴,۰ عرضنده چيقتیلی بر قاعده اوزرينه موضوعدر . بو قاعده نك اوزرنده تصاویر بولنديغی يوزلره قدر گرينتیلی چيقتیلی و طبقات متعدده يه منقسم نقوش معماریه مختلفه موجوددر . تصاویرك اوستنده بولنان قورنیش ايسه ۶۵,۰ مقدار چيقتیلی اولوب اك اوستنده بر صره چفته (مه آندر) وانك التنده بيضی الشكل ودها التنده انجو تقليدى نقوش وارددر . فن معماریه يه تعلق ايدن نقوش مذكوره ايله لحدك درت طرفنده بر چارجوبه ايچنده آلمش تصاویر متعدده و متنوعه غایت نازكانه و ماهرانه بر صورتده اعمال ايدلمش اولديغندن لحدى وجوده ككترين هيكلتراش بدايع آثارك مهارتي بواثر نفيسك هيئت عموميه سنه بشقه بر لطافت افاضه ايلمشددر .

تصاویر مبحوثه نك على طريق الاجمال تعریفاتی شوندن عبارتدر:

جنوب جهته تصادف ایدن بیوک یوز بر محاربه یی تصویر ایدرکه بونك قدیم یونانیلرله عجملر بیننده وقوعه ککش (ایسوس) یاخود (آربل) محاربه سی اولسی محتملدر. یونانی محاربیلر چبلاق اولدقلری حالدده وجودلری قسماً احرام ایله و بعضیلرینك ده تیمور زره ایله ستر ایدلمشدر و باشلرنده برر قاسکه کوریلور. عجملر ایسه دار پانظالون و چفته قوشاقلی و صیقی قوللی برکوملك تلبس ایتدکلری حالدده باشلری و خچه لری اورتیلرله باغلیدر. یونانیلرک آتلرندن بعضیلری باشاقلی و کملی و بعضیلری کوکسلکلی اولوب عجملرک آتلری ایسه فضله اوله رق قوسغون و صچاقلی و مختلف رنگلرله ایشلنمش اورتی و شریترلرله تجهیز ایدلمشدر. هیئت عمومیه سی اعتباریله تصاویر مبحوثه وهله اولی ده قاریشق برحالدده کورلمکده ایسه ده انظار دقت تعمیق ایلدجکه بونلر بش فرقه یه تفریق و انقسام ایتدیریله بیلیر. مرکز بولنان قسم اوج شخصدن عبارت اولوب بونلردن بر یونانی سواری سل سیف ایدرک بر وضع استمدادکارانه ایله اللرینی قالدیرمش و دیز او-زیننه چوکش بر عجم محاربه هجوم ایتمشدر. سوارینك صاغ طرفنده بولنان بر تیرانداز ایله صول جهته ده کوزیلان دیز اوزیننه چوکش دیگر بر تیرانداز قسم مرکزی یی تشکیل ایدن افرادی اکمال ایدر. فرقه مرکزیه نك برنجی درجه ده صاغ

و صول جهترنده بولنان ایکی فرقه دن هر بررلری ایکشر محاسبه
 ریدن عبارتدرکه بولنردن صاغ طرفده کیلر بریونانی پیاده ایله
 برسواری عجمک یکدیگره هجومی وصول طرفده کیلر دخی
 پیاده بریونانی و برعجم محاربناک صاواشمقده اولدقلرینی ارائه
 ایدر. بویوزده بولنوب بشه انقسام ایدن فرقهلردن ایکسی ده
 یکدیگرینه متناظر اولدقلری حالدده ایکی اوجلرده کوریلور. صول
 طرفده باشنه ارسلان دریسندن برسرپوش کیمش بریونانی سواریسینی
 صول النده کی مزراغی قالدیرمش اولدینی حالدده راکب اولدینی
 آنک اوک ایاقلری یره چوکمش واللرینی قالدیروب نفسنی مدافعه
 ایتکده بولنان برعجم سواریسنه هجوم ایتکده در. فرقه متناظرده دن
 صاغ طرفده بولنانلر سواری بریونان جنرالی ایله برعجم سوا-
 ریسندن عبارت اولوب بولنردن یونان جنرالی النده کی مزراق
 ایله عجم سواریسینی جریحه دار ایلدیکی و مجروحک قائماً آرقه-
 سنده بولنان سلحدارک قوجاغنه دوشدپکی کورلمده در. بولوح
 مهاجمات انکیزک زمینده موازی برصورتده برطاقم نقشلر و یا-
 ره لیلر بولنمقده در. — شرق طرفنه متوجه اولان کوچک
 یوزی محاربیه عائد برسرکذشتی تصویر ایدر. بالاده ذکر
 وتعریفی سبقت ایدن بیوک یوزده کوریله چکی وجهله بویوزک
 صورت ترتیبی ده تناظره مستند اولوب مرکزه عجم سواریسینی
 مزراغی ایله یره سریله رک قالقانیله کندینی مدافعه غیرتنده
 بولنان بریونان محاربنه اورمقده در. بولنرک صاغ وصول

طرفلرنده برعجم و بر یونانی محاربلمر یکدیگر لریله مجادله ایلمکده درلر.

شمال جهته تصادف ایدن دیگر بیوک یوز بر آو هیئتتی تصویر واره ایدر. دیگر بیوک یوزده بولنوب محاربه یی ارئه ایدن اشکال و تصاویره نسبتله بویوزک ترتیبات و تشکلاتی دهه ساده در. مرکرده بولنان فرقه اوچ آتلیدن عبارت اولوب بولردن اورته ده کی برعجم سوارسی در. بوسوارینک ذکر سبقت ایدن کوچک یوزک اوزرنده بولنان عینی سواری اولسی محتملدر. اورته ده بولنان مذکور سواری راکب اولدینی آنک کوکسینی ایصرمقده اولان برارسلانه انده کی قارغی یی آتمقده در. قائماً ارسلانک آرقه سنده طوران برعجم آوجیسنک ده انده کی بالطه یی قالدیره رق شدتله ارسلانه اورمق غیرتنده بولندینی کوریلور. بو اوچ سواریدن صاغ طرفده وارسلانک آرقه سنده بولنان آتلی باشنده بولنوب قرالره مخصوص اولان شریده و طور شهامتته نظراً بر حکمدار اولسی و بلکه ده اسکندر کیرک کندی رسمی اولسی محتملدر. صول طرفده کی یونان آتلیسی ایسه دیگر بیوک یوزده کی محاربلمر صاغ اوجده کی یونان جنرالنه تمامیه مشاهددر. اوچ آتلیدن عبارت اولان بوفرقه مرکزیه نک صاغ و صول جهتلرنده هربری بر یونانی و برعجمدن مرکب اولمق اوزره ایکی فرقه دهه وارددر که بولردن صاغده کی بر یونانی آوجینک قارغی ایله برکیکی اور.

دیغنی وعجمكده مذکور کیکک باشنه طوغری بالطه ایله اورمق
 طور واستعدادنده بولندیغنی ارانه ایدر . صول طرفده کیلر
 ایسه برعجم تیرانداز اورتهده وسواریلر ارسنده بولنان ارسلانه
 طوغری بر اوق چکمکده و اوکنده بطوران چبلاق یونانی
 آوجی ده النده کی قارغی نی ارسلانه صاپلامق اوزره قوشمقده در .
 — غرب جهته ناظر اولان کوچک یوزده . یالکر عجملردن
 مرکب دیگر بر آو هیئی مصوردر . شویله که مرکزنده بالاده
 تعریف اولنان وایکی یوزده ذکر ی سبقت ایدن عجم سوارینک
 عینی اولمق احتمالی اولان بر شخص آدن اینهرك صاغ طرفده
 بولنوب پارس تسمیه اولنان یرتجی حیوانه بالطه ایله اورمقده
 وصول طرفدهده سلحدار اورکمش وفراره حاضرلنش اولان
 آتی طومتقده و بونلرك بیننده صول طرفده قالقانی بر آوجی
 پارسه قارغی حواله ایتمکده در . آتک التنده بولنان بر آو
 کوپکی ده مذکور پارسه طوغری قوشمقده و صاغ طرفده کی
 ایکی پیاده آوجی ده پارس ایله صاواشمقده در لر .

لحد اوزرنده بولنان قباغه کلنجه اوده بو اثر بیعدیلک حائر
 اولدیغنی نفاست و مکملیتیله متناسبدر . مثلث الشكل برطام
 طرزینی تقلیداً اعمال ایدلمش اولان مذکور قپاق فن معماریده
 (آرشى تراو) تسمیه اولنان صچاقده برصره اینجو و برصره
 یورك و برصره قورنیش کبی چیقنتی و بونلرك التنده اکلی

بر اصمه یا پراغیله مزین بر شرید واک صکرده اینجه و بیضی
ال شکل نقوش و تزیناتی حاوی بر قاعده اوزرینه موضوعدر.
دامک صیاحی ایکی یوزده اولوق یرینه قائم اولوق اوزره هر
برنده اون ایکیشر عدد اوج بونوزلی اوفق کچی قفالری مو-
جوددر. بوقفالرک اوزرنده اره یرلرنده تصادف ایتک اوزره
بیوک یوزلرک هر برنده طقوزر قادین قفالری مرکوزدر. قبا-
غک درت کوشه سنده وحشیانه باقشله اغزلرینی آچش درت
ارسلان یا تمقدهدر. دامک اوستی یعی کره مید تقلیدندهدر. قباغک
صیرتنده الی عدد ایکی یوزلی و صاچلری خرما دالی شککنده
تنظیم اولمش قادین قفالری مرکوز اولوب بونلرک بینندهده
ازمنه قدیمده برسبیه منی شکست ایدلمش چفته قارتال رسملرینک
یالکر ایاقلری موجوددر. قباغک کوچک یوزلرینه کلنجه مثلث
ال شکل جبهه نک بالاسی قارشولقلی ایکی (سفنکس) ایله اوزرلرنده
بر خرما دالندن عبارت بر (آقروتهر) ایله مزین اولوب جبهه
مثلته لرک ایچنده کی تصاویر جالب حیرت و فوق العاده بر مهارت
صنعتکارانه ایله وجوده کتیرلمشدر. بوجبهه لرده شرق جهته
تصادف ایدن یوزده بر محاربه هیئت کوریلور. بونلرده ایکی
جنس اشخاصدن مرکبدر. بر طاقنک پیاده لر کی باشلری
قاسکه و وجودلری زره والری قالقان ایله مجهز اولوب
دیگرلری برر (تونیک) تلبس ایتمش و فقط کوکسلری چبلاق
قالمشدر. بونلرک کافه سی یونانی محاربلردر. اشخاص مذکو-

رہ نڪ صورت ترتیبی بوکھی جہۂ مثلثہ لردہ مرعی اولان اصول
 معماری یہ تابعدر۔ مرکزہ بولنان محارب اوکنده دیز اوزرینہ
 چوکہ رک نفسی مدافعه غیرتندہ بولنان دیگر بر محاربک باشنی
 کسمکده در۔ صول طرفدہ کی بر محاربده امدادہ شتاب ایدیور
 کبی بر طور ارأۂ ایتکده و صاغ طرفدہ قالقانی بر شخص
 دیز اوزرینہ چوکمش بر محاربہ مزراغنی اورمقدہ در۔ صاغ
 طرفدہ بولنان تصویر نقصاندر۔ صول گوشہ دہ اولوم حالندہ
 بولنان بر محارب دیگر بر شخص طرفدن طوتمقدہ در۔ غرب
 جہتہ ناظر اولان جہۂ مثلثہ داخندہ ینہ بر محاربہ ہیئت
 کوریلور۔ مرکزہ بر عجم سوارسی بولنوب صول طرفدہ کی
 قاسکلی بر عجم محاربی مذکور سوارینک یانہ دوشمش اولدینی
 حالده سواری یہ قارشو مدافعه دہ بولنمقدہ در۔ سوارینک صاغ
 طرفدہ بر یونانی دیز اوزرینہ چوکمش و قالقانی باشنہ سپر
 طوتمش بر عجم محاربیلہ مجادلہ ایتکده در۔ بونک معادلی اولہرق
 صول طرفدہ دہ ینہ دیز اوزرینہ چوکمش تیرانداز بر عجم
 موجود در۔ صول طرفک گوشہ سندنہ یونانی بر محاربک نعشی
 ارقہ اوزرینہ یرہ سیرلشدہ در۔ صاغ گوشہ دہ دہ بر قاسک ایلہ
 بر قالقان کوریلور۔

فن آثار عتیقہ یہ اختصاصی بولنان ذواتک بو اثر مهم
 حقدہ کی ارا و مطالعاتی بورادہ موقع بحث و تدقیقہ وضع
 ایتکہ محل اولیوب انجق بولجد کیرک کیمہ عائد اولدینی قطعاً

تعیین ایدہ بیلیمک شمیدیکی حالده غیر قابلدر . حقیقت اولمق اوزره بوراده سویلیه بیلہ جکمز برشی وارددرکه اوده ازمنہ قدیمہ یونانیہ یادکارلرندن بولنان آثار عتیقه ایچنده برنجی درجهده حائر اهمیت اولان بولحد کبیر قبل المیلاد دردنجی عصرک نہایتنه طوغری هیکتراش شهر (لزیپ)ک معاصرلرندن اولان برهنر- وړک محصول چیره دستی مهارتی اولمسیدر .

۷۷ — ۷۸ — ۷۹ — یانزلیک مرمرنده مصنوع اوج عدد

لحد .

موزه مدیری حمدی بک طرفندن ایلک دفعه اوله رق صیداده — ۱۳۰۴ — اجرا ایدیلان حفریاتده ظهور ایدن آتاردن اولان اشبو لحد اسکندر نام کبیر لحدک بولندیغی مغاره درونندن اخراج ایدلمشدر . شکلری مذکور لحد کبیرک شکلی کبی معابد یونانیه سقفی طرزنده ایسهده یوزلری اوزرنده تصاویر مفقوددر . بر مغاره داخلنده بولنان اشبو درت لحدک برجنس مرمردن اعمال ایدلیدیکی و بر زمانده اصمارلنوب بر صنعتکارک الندن چیقمش اولدقلری بداهه آکلاشیله بیلیر . بولردن ۷۷ و ۷۸ نومرولی لحدلرده قاقلری منسوب ومتعلق اولدقلری تکنه لره کوره تفریق ایدہ بیلیمک ایچون فنیکیا خطیله برر حرف موجوددر . (یعنی ۷۷ نومروده ✕ و ۷۸ نومروده C)

بو اوج اوفق لحدک دروننده ظهور ایدن اشیایه نظراً بولنرک

قادرین مزاری اولدیغی آکلاشلمشدر. ازمئه قديمه ده بولحدرك اوچی ده کشاد ایدلمش و قیاقلری بررکوشه سندن قیرلمش ومؤخرأ درسعاده نقلنده تعمیر و اصلاح اولمشدر. اوزرلرنده بولنان بویا نشانه لری قسماً زائل اولمشدر.

اشبو اوچ لحدك شكلی یکدیگرینه مشابه اولوب انجق جملرنده اختلاف واردر. شویله که:

۷۷ نومرونك ارتفاعی ۱,۳۸ و تکنه سنك طولی ۲,۶۲ و تکنه نك عرضی ۱,۱۵

۷۸ نومرونك ارتفاعی ۱,۴۲ و طولی ۲,۶۴ و تکنه نك

عرضی ۱,۱۲

۷۹ نومرونك ارتفاعی ۱,۲۰ و طولی ۲,۸۰ و عرضی

۱,۱۳ در.

اوچ لحدك دخی تکنه لری مستطیل الشكل یوزلر ایله محاط اولوب قیاقلرینك شكلی مثلثدر. تکنه نك قاعده سنده یوره ك شكکنده وسائر طرزده تزینات بولندیغی کبی قسم علیاسی دخی فن معماریده (مه آندر) تسمیه اولنور نقوش ایله مزیندر. قیاقلرك الت قسمی غایت نازك ایشانمش و لاجورد برزمین اوزرینه قرمز صاری و مائی رنگلر ایله ملون اوزوم ییراقلری و اوزوم صالقملری نقش ایدلمشدر. قیاقلرك اوستلری سقف شککنده اعمال ایدیلوب یصی کره مید شکلری تقلید ایدلمش و کنارلری اولوق طرزینه افراغ ایدیلدیکی کبی

بو اولوقلرک یدی یرنده ده ارسلان قفالری نقش اولمشدر .
 مذکور ارسلان قفالری فن معماریده (آنته فیکس) تعیر اولنان
 نقشلره بربردن تفریق اولمشدر . قپاقلرک درت گوشه سنده
 ومثلث الشکل اولان جبهه لرک زروهلرنده برر (آقروتهر) مو-
 جود اولدینی کبی داملرک صیرتنده ایکیسندده اون اوچر و برنده
 یدی عدد خرما یپراقلری مرکوزدر . جبهه لری تشکیل ایدن
 مثلثلرک ایچنده برر (لوتوس) آغاجی چیچکنک دالری لطیف
 برصورتده ایکی طرفه تمایل ایتشدر .

۸۰ — پیاصه مرمرده مصنوع قدیم یونانی و فنیکی
 طرزنده بر (آنتروپوید) برطیک قیرطسه قیاس قفاسی .
 بیروت حکومت دائره سنده بولنوب برنجی صیدا حفریاتی
 اثناسنده موزه یه نقل اولمشدر — ۱۳۰۴ —
 ارتقاعی ۰,۵۰ اوزرنده قرمری بویا نشانه لری کوریلان
 اشبو قفانک شکلی یصی وصاچلری بوکمشدر . قبل المیلاد
 دردنجی عصرک انفس آثارنددر .

۸۱ — پیاصه مرمرده مصنوع قدیم یونانی و فنیکی
 طرزنده بر (آنتروپوید) طر قیاسی .
 صبحی پاشا مرحومک سوریه والیلکی هنگامنده کوند-
 رلشدر . طولی ۰,۸۹ .

صندوقه سی یصی اولوب ایکی یاننده برر قولب موجود در.

۸۲ — پیاصله مرمرده معمول قدیم یونانی و فنیکی
طرزنده (آتروپوید) طه.

صبحی پاشا مرحومك سوریه والیدکی اثناسنده کوند-
ولمشدر.

طولی ۲,۱۲ و ارتفاعی ۰,۶۸

صندوقه سی یصی اولوب باش وایق اوچلرنده برر قولب
کوریلور. باشی اوموزلرینه کومیلی کبی اولوب صاحی صیق
و بوکلشدر و باشنده برشرد واردر. قبل المیلاد دردنجی عصرک
انفس آتارندندر.

۸۳ — سیاه طاشده مصنوع قدیم مصر اصولنده
(آتروپوید) طه.

برنجی صیدا حفریاتنده — ۱۳۰۴ — اخراج و نقل ایدیلان
آتاردن بولتان بولحدك ارتفاعی ۱,۴۲ و طولی ۲,۳۰ در.
صندوقه ساده اولوب اوژرنده یالکز برانسان کوکده سیله
قدیم مصریونه مخصوص (یشنت) تسمیه اولنور بر خطوز ایله
تزین ایدلمش و یوزی سیلنمش بر باش شکلی کورینور.
(نوحه کران) نام لحدك (۴۳ نومرو) بولندیغی مغاره نك التنده
ظهور ایتمشدر.

۸۴ — پیاصه و مساماتی کبرج طاشندہ معمول و قدیم مصر
طرزنده (آنتروپوئید) طہ .

جبل لبنان داخلندہ و صیدا جوارندہ برامیہ قریہ سنندہ
ظہور ایدرک قریۃ مذکورہ خاندانندن جن بلاط اسماعیل بک
طرفندن موزۃ ہایونہ اهدا اولنشدر — ۱۳۰۷ —
طولی ۲,۰۵ و ارتفاعی ۰,۶۳

باشک قسم علیاسی قیریقدر . صندوقہ جزوی مدوردر .
اوزرنده بولنوب باشی (پشت) ایله مزین اولان ارکک
رسمنک ققاسی اوموزلرینہ چوکدیککی و یوزندہ آثار ابتسام
بولندینی مشاہدہ اولنور . چکہ سنندہ اوزونجہ برصقال واردر .

۸۵ — پیاصہ مرمرندہ مصنوع و مصر طرزنده (آنتروپوئید)
طہ .

محل ظہوری جبل لبنان اولوب متصرف سابق متوفی
واصہ پاشا طرفندن کوندرلمشدر — ۱۳۰۶ — . طولی ۲,۲۰
و ارتفاعی ۰,۶۰ صندوقہ سی و اوزرنده کوریلان (پشت) ایله
مزین باشی یصی اولوب قولاققری قفادن زیادہ جہ مفارقدر .
قبل المیلاد دردنجی عصرہ متعلق اولسی محتملدر .

۸۶ — پیاصہ مرمرندہ مصنوع و قدیم یونانی و فنیکی طرزنده
(آنتروپوئید) طہ .

جبل لبنان داخلند و صیدا جوارنده کائن برامیه قریه سنده
 ظهور ایدرک قریه مذکوره خاندانندن علی بک جنبلاط طرفندن
 — ۱۳۰۹ — ده موزه هاپونه اهدا ایدیلان بولحدک طولی ۲,۶۰
 و ارتفاعی ۸۸,۰ در. اوزرنده مائی بویا نشانه سی کوریلور. صاغ
 طرفی قیریقدر. درت قوللی ویسی بر صندوق اوزرنده بولنوب
 سیوری بر صقال طاشیمقده اولان باشک شکل و ظرافتی غایتله
 شایان دقتدر. قبل المیلاد دردنجی عصرک اک نفیس آثارندندر.

۸۷ — یاصه مرمرده مصنوع و قدیم یونانی و فنیکی طرزنده
 (آنتروپوئید) طه.

صیدا جوارنده (عین الزیتون) نام محله — ۱۳۰۵ —
 ظهور ایدن بولحدک طولی ۲,۶۰ و ارتفاعی ۸۸,۰ در. صندوقه
 یسی اولوب قباغنک درت قوللی موجوددر. اوزرنده کی یسی
 باش اوموزلرینه چوکمش و صاچلری برشیرید ایله باغلنمشدر.
 قبل المیلاد دردنجی عصرک آثارندندر.

۸۸ — یاصه مرمرده مصنوع و قدیم یونانی طرزنده
 (آنتروپوئید) طه.

برنجی صیدا حفریاتنده — ۱۳۰۴ — ظهور ایدن بولحدک
 طولی ۲,۲۰ و ارتفاعی ۸۰,۰ صندوقه سی یسی اولوب باش
 وایاق اوچلرنده برر قولب موجوددر. قباغک اوزرنده باجاق

و دیزلری اشارت اولنش و ایاقلری یوکسکدر. باشی برقادین
باشی اولوب ایشی غایت قدیمدر و قولاقلری آجیق و صاجلری
برشرید ایله باغلنمش اولدینی حالدده اوزلرینه دوشمشدر.
قبل المیلاد دردنجی عصرک ائارندندر.

۸۹ — یاصه مرمرده مصنوع مصری طرزنده (آنتروپوید)

لحه. برنجی صیدا حفریاتنده — ۱۳۰۴ — ظهور ایدن ائاردن
اولان بولحدک طولی ۲,۲۵ و ارتفاعی ۰,۶۵ در. صندوقه سی
یصی اولوب باش وایاق اوچلرنده برقوقلب موجوددر. اوزرنده
جسدک کوکده قسیمله باجاق و دیز قیاقلری کورلمکده در.
مذکور کوکده نك قفاسی قدیم مصریونه مشابه (پشت) ایله
مزیندر. یالکز چکده اوزونجه برصقال واردر. قبل المیلاد
دردنجی عصرک ائارندندر.

۹۰ — سیاه طاشده معمول مصری طرزنده (آنتروپوید)

لحه. برنجی صیدا حفریاتنده — ۱۳۰۴ — ظهور ایدن ائاردن
بولان اشبولحدک طولی ۳,۳۰ و عرضی ۱,۰۵ و ارتفاعی ۱,۱۱
اوزرنده بولان کتابیه نظراً فیکیا زمانسده صیداده اجرای
حکومت ایدن قرال (قابنیت) ک مزاریدر. صندوقه سی کنیش

وقیصه اولوب قباغئک اوزرنده متبسم وچکه سی اوزونجه صقاللی
 وصاچلری یوزینک ایکی طرفنه صارقش برانسان باشی کوریلور.
 کوکسی اوزرنده ایکی شاهین قنادی والت طرفنده (هیه -
 روغلیف) حروفاتیلہ برکتاہ و آباق اوجنده ده فیکیا لساننده
 دیگر برکتاہ واردر. اشبو کتابہ لک برنجیسندن بولحدک اولجہ
 (پنه فتاح) اسمنده قدیم بر مصر جنرائلہ مقبرہ خدمتی ایفا
 ایتدیکی وایکنجیسندن دخی مؤخرأ قرال (تابیت)ک مقبرہ سی
 اولدینی مستبان اولور. فیکیا لساننده اولان مذکور کتابہ نک
 احتوا ایلدیکی معنا ومأل شودر:

« بن که تابیت، آستارته راهبی و صیدالیر قرالی ولد اشمو.
 « نازار، آستارته راهبی و صیدالیر قرالی یم، بومغاره داخلنده
 « مدفونم، ای بنم مدقمی کشف ایدن آدم هرکیم اولورسهک
 « اول، مزار او طه می آچه و بنی یحضور ائمه زیرایاتمه نه
 « کموش ونه آلتون و نه ده دقینه واردر. بومغاره ده یالکزجه
 « یاتمقده یم. بکا مقبره اتخا ایدیلان بو او طه بی آچه. بودرلو
 « حرکت آستارته به قارشی عظیم برحقارتدر. اکر شوتنیه
 « خلافسنه اوله رق مزار او طه می آچار و بنی یحضور ایده جک
 « اولور ایهک بر حیات اولان انسانلر ارده سنده و کونش آتنده
 « انسال و انسابدن محروم قال واموات ارده سنده یاتہ جق یر
 « بوله. »

فرانسه مدققیندن موسیو (ماسپهرو) نک رأی و افاده سنه

نظراً اشبو صندوقه قبل المیلاد دردنجی عصر ایچنده وجوده
کتیریلان آثاردن اولوب قرال (تابیت) ک برحیات بولندیغی
زمان ایسه تاریخاً صورت قطعیده تعیین ایدیه مامشدر. فقط
مشارالیهک زمان حیاتی هر حالده دردنجی عصر دن صکرده
دکلدر.

۹۱ — پیاصه مرمرده مصنوع یونانی و فنیکی طرزنده
(آنتروپوئید) طه.

صیدا جوارنده واقع میهمیهده ظهور ایدوب مهندس
بشاره افندی طرفندن کوندرلمشدر — ۱۳۰۶ — . طولی
۲,۲۰ و ارتفاعی ۰,۷۰ در. صندوقه سی یسی اولوب باشی قالدین
تصویریدر وهیئت مجموعه سی بر موتالی آکدیرر.

۹۲ — پیاصه مرمرده مصنوع و قدیم فنیکی طرزنده
(آنتروپوئید) طه.

محل ظهوری صیدا جوارنده میمیه اولوب مهندس بشاره
افندی طرفندن کوندرلمشدر — ۱۳۰۶ — . طولی ۲,۲۰
و ارتفاعی ۰,۸۲ در. صندوقه سنک قباغی اوزرنده ایکی عدد
قولب موجوددر. اوزرنده کی رسمک باشی اوموزلرینه چوکمش
وقولاقلری باشند مفارق و برونی واغزی قیریقدر.
قبل المیلاد دردنجی عصرک آثارندندر.

۹۳ — صیداده بیقانه برنوع قوم طاشنده معمول وزره

منقلو (اوتل)

محل ظهوری صیدا اولوب اوراده مقیم موسیو ژوزف دوریکلو طرفدن اهدا اولمشدر — ۱۳۰۶ — ارتفاعی ۰,۶۶ عرضی ۰,۳۷ و قالینلی ۰,۲۳ در. کوچک مصر معبدی شکلنده اولوب اورته سنده قنادلری ارقیه طوغری عموداً آچیلمش ایکی (سفنکس) رسمی و بونلرک ارسندهده اشبو معبدک منسوب اولدینی معبودک هیکلی وضع اولنق اوزره بر حجره موجوددر. معبدک قسم علیاسی قنادلی کره رسمی و ایکی جهتلرندهده باشلرنده کونش تصویر اولنش ایکی شخص رسملری کوریلور.

جاملی طولاب {۱}

صیدا حفریاتنده طولانیلان اشیای متنوعه .

طولابک قسم فوقانیسی

(آنتروپوئید) لحدلرک ایچندهکی لاشه لرک التنده بولنان اوچ عدد تحته بیراقدن صول طرفدهکی قرال تابیتک لحدندن چیقمشدر .

صول طرفک اوست کوزندن بدأ ایله :

برنجی کوز — ساتراپک لحدنده بولنان عظام .

ایکنجی کوز — ساتراپک لحدنده بولنان قفا و عظام .

اوچنجی کوز — نوحه کران لحدنده بولنان کلب قفالری.
 دردنجی کوز — بری نوحه کران لحدنده و دیگری ۸۳
 نومرولی لحدده بولنان ایکی قفا.
 بشنجی کوز — اسکندر مزاری نامیله معروف لحدده
 بولنان قفا.

التنجی کوز — دیگر بر لحدده بولنان قفا.
 اشباغیسنده تیموردن معمول مختلف جسامتده اغاج صندوقه
 حلقه لریله بر طاقم عادی طوپراق معمولاتی موضوعدر.
 طولابك قسم تحتانیسی

اوست کوزك صاغ طرفندن بدأ اولندقدده اول (اسکندر)
 لحدینك ایچنده بولنان صارغی بزلی وینه مزبور لحدك اوزرنده کی
 تصاویردن اولوب یرلرینه وضع اولنه میان مرمردن بر اوفق
 باش و بر بجاق و بر قول و قره قوش کساره لری و نهایتنده قرال
 تابنیتك قبرندن نشأت ایدن باقر بیله زیك و بر آینه کوریلور.
 الت کوزده ایسه لامپه و وازو و سائره کی طوپراقدن معمول
 بر چوق فنیکه معمولاتی موضوعدر.

جاملی طولاب {ب}

فنیکه قبرانندن چیقان اشیای متنوعه

طولابك قسم فوقانیسی

صاغ و صول طرفده قرال تابنیتك مزار او طه سنده

بولنان طونجبدن معمول ایکی عدد کبیر شمعدان کوریلورکه
 بونلر یوقاری طوغری طارلاشیر واسطوانی الشکل بر دیرکدن
 عبارت اولوب اوچ ایاق اوزرنده موضوعدر وزروه سنده
 دخی اوچ عدد مقوس پیراق مربوطدر .

اوست کوزدن باشلانلیدی حالد:

برنجی کوز — (نوحه کران) لحدینک بولندیغی مغارده
 ظهور ایدن صومرمرندن اوچ عدد
 وازو . — بر عدد طونجبدن کبیر ارسلان
 قفاسی .

ایکنجی کوز — (نوحه کران) لحدینک یاننده بولنان صو
 مرمرندن بر عدد وازو . — ایکی عدد
 طونجبدن ارسلان قفاسی .

اوچنجی کوز — (نوحه کران) لحدینک یاننده بولنان
 ایکی عدد صومرمرندن وازو . — بر عدد
 طونجبدن ارسلان قفاسی و مختلف فیکه
 مزارلرندن نشأت ایدن طپراق معمولات .
 دردنجی کوز — صیداده ایکنجی حفریاتده بولنان بر عدد
 طپراقدن معمول مائسکه (ارتفاعی ۰,۲۴)

اشاغیسنده طونجبدن الی عدد ارسلان قفاسی (بوقفالر
 کافه اغاج صندوقه لره میخلی بولنورلرایمش) وسائر اشیای
 مختلفه موضوعدر .

طولابك قسم تختانیسی

فیکه مزار لرنده ظهور ایدن بعض تزینات و طونجبدن
اشیا و مسکوکات و جام معمولات و سائرہ کوریلور.

یکی وزه دائره سنك خارجنده موضوع آثار

۹۴ — ییاصہ مرمرورہ معمول طرہ.

محل ظهوری طرابلس غرب — ۱۳۰۱ —

ارتفاعی ۱,۴۳ طولی ۲,۳۰ و عرضی ۰,۹۴. تکنه سنك
یانلری مستطیل الشکل و آصقیلرله مزین برقاعده اوزرینه
موضوعدر. اوک طرفده کی بیوک یوزک صاغ طرفده کی کوچک یوزده
قنادلی (ژہنی) لرك باغ چبوقلری ارہ سنده اویناشمقده اولدقلری
کوریلور. ارقہ طرفده کی بیوک یوز مراسم ذبحیہی مصوردر.
شویله که قنادلی بر (ژہنی) مذبحیہ (اوتل) طوغری برکچی پی
سور و کلیوب کتور مکده در. دیگر بر (ژہنی) ده ارقہ ده بولنہ رق
وقامچیلایہ رق کچی پی ایلری یه سوق ایتمکده در. بوہیئتک او-
کنده ینہ قنادلی ایکی (ژہنی) بولنمقده در. صول جہتده کی
کوچک یوزده ده بر (ژہنی) النده کی میوہلری بر (اوتل)
اوزرینہ وضع ایلمکله مشغول اولدینی کی (اوتل) ک اوکنده ده
بر معبود هیکلکی مرکوزدر. قباغی سقف شکنده اولوب درت
کوشه سنده بر (آقروته) موجوددر. قباغک الت کنارنده

حروفات یونانیه ایله محرر اولان کتابه دن بو لحدك دیمتریوس نامنده بر شخص ایله زوجه سنه عائد اولدینی آکلاشلمقده در. رومالیر زماندن قالمه آئاردندر.

۹۵ — ییاصه مرمرده مصنوعه لحد.

محل ظهوری آیدین (ترال) اولوب بالطه جی دیموسنن بك طرفندن — ۱۳۰۳ — کوندریلان اشبو لحدك ارتفاعی ۱,۶۰ و طولی ۲,۵۰ و عرضی ۱,۳۰ و تکنه سنك یوزی مستطیل الشكل اولوب مزین برقاعده اوزرینه موضوعدر. قباغی سقف شکنده در. ادوار قدیمه یونانیه نك آئارندندر.

۹۶ — ییاصه مرمرده مصنوعه لحد.

محل ظهوری طرابلس شام — ۱۳۰۲ —

ارتفاعی ۱,۶۰ طولی ۲,۱۰ و عرضی ۰,۹۷. تکنه سنك یوزی مستطیل الشكل اولوب یالکزر اوک جهتی مزین و دیگر یوزلری ناتمامدر. ایشلنمش اولان یوز جنازه یه مخصوص بر ضیافتی تصویر واره ایدر. شویله که فراش حضوره اوزانمش برقادین نعشی بولنوب یتاغک باش اوجنده قائماً برقادینك النده میوه ایله مملو برطباق طوتمقده اولدینی و آباق اوجنده ده دیگر برقادینك ینه قائماً کتاره چالمقده اولدینی کوریلور. قباغی مستطیل الشكل اولوب اوزرنده (آقروتهر) ویانلرنده ساده

حقیقتلر ایشلنمشددر. رومالیلر زمانندن قالمه آثار عادیه دندر.

۹۷ — کیرج طاشنده معمول لده.

محل ظهوری طرابلس غرب.

ارتفاعی ۰,۸۰. طولی ۱,۶۰ عرضی ۰,۶۸. تکنه نك یوزی
مستطیل الشکل اولوب کوشه لرنده اوکوز قفالری موجودده.
بیوک یوزلردن یالکز بریسی مصورددر. مذکور یوز انسان
قفالریله تفریق اولنمش اوج قسمه انقسام ایدرک بوقفالرده
آصقیلره مربوطدر. بو آصقیلرک اوزرنده طاووس و ککلیک
ایله سائر طیور وارددر. کوچک یوزلرده یونجه تقلیدنده آصقیلره
تزیین ایدلمشددر. لحدک قیاغی سقف شکلنده اولوب (آقروتهر)
لرله مزینددر. و اوقونیمیه جق درجه یه کلش برکتابه یی حاویدر.

۹۸ — طهارلی مرمرده مصنوع لده.

محل ظهوری تکه سنجاغی — ۱۳۰۷ —

ارتفاعی ۰,۶۰. طولی ۱,۱۸ عرضی ۰,۷۰. تکنه سنک
یوزی مستطیل الشکل اولوب اولوقلره مزینددر. قیاغی ده او-
لوقلی ویصی سقف شکلنده در. رومالیلر زمانندن قالمه آثار دندر.

۹۹ — یاصه مرمرده معمول لده.

محل ظهوری عاصم قلعه (قدیم یاسوس) — ۱۳۰۴ —

ارتفاعی ۲,۰۰ و عرضی ۱,۲۴ و طولی ۲,۴۰

بیوک یوزلرندن برینک اوستی قیریقدر . یوزلری مستطیل شکل اولان تکنه‌سی فنا بر صورتده آصقیرله تزیین ایدلمش بر قاعده اوزرینه موضوعدر . یالکز بر بیوک یوزی ایشلنمش اولوب ایکی اوجلرنده بولنان ایکی عدد (قاریاتیت) ایله اور-ته‌ده بولنان قنادلی و برر اللری مشعله‌لی (ژهنی) لر اوج آصقی یی اوجلرندن طوتمقدهدر لر . اورته‌ده‌کی آصقینک اوزرنده فراش حضوره اوزانمش بر قادین و بر ارکک نعلشلی بولنوب هیئت مجموعه‌سی بر جنازه ضیافتی مصورددر . صاغ و صول طرفنده‌کی آصقیرک اوستنده دخی بر (مه‌دوز) قفاسی کوریلور . سقف شکنده اولان قباغی کره‌مید تقلیدی نقشله و (اقروته‌ر) لرله مستورددر . رومالیرک آثار عادیه‌سندندر .

۱۰۰ — یشبیل و آلابملی طائره معمول طیه .

قباغی تقصاندر .

ارتفاعی ۰,۹۰ عرضی ۱,۱۸ طولی ۲,۳۵ تکنه‌سینک

یوزی مستطیل شکلدر . استانبولده ظهور ایدن آثاردن اولوب حربیه انبارندن منقولدر . خرسیتیانلق زمانندن قالمهدر .

چینیلی کوشکک جہہ سندنہ کی صحنہ (*)

۱۰۱ — پیامہ مرمرورہ قبارنمہ مزار طاشی .

محل ظہوری استانبولہ فاتح جامع شریفی قریدر - ۱۲۹۲ -
 طولی و عرضی ۰,۸۴ . اشیو طاش ایکی دیرک اوزرینہ
 موضوع و برکتاہی حاوی برصیاقدن عبارت اولوب رسمار
 برجنارہ ضیافتی مصوردر . شویله کہ بریتاق اوزرنده یصدیغہ
 طیانہ رزق اوزانمش اولان . موتا البندہ برکاغد طوتمقدہ ویتاغک
 ایاق اوجندنہ کی برقولتقدہ دخی باشی اورتیلی برقادین اوطور -
 مقدہ اولوب مزبورہ نک ارقہ طرفندہ دخی برجارہ قولتغک
 آیاقلرینہ صارلمشدر . یتاغک اوکندنہ اوچ آیاقلی برطابلہ نک
 اوزرنده طومار اوامش کاغدلر و طابلہ نک صاغ طرفندہ برکولہ نک
 آیاقدہ طور دینی وصول طرفندہ ایسہ دیگر برکولہ نک قادینہ
 طوغری بر طومار اوزاتمقدہ اولدینی کوریلور . صاغ طرفندہ
 برآت قفاسی و دیوارہ تعلیق اولنمش باغلر و بردہ قلیج مو -
 جوددر . کتابہ متوفانک اسمنی مشعردر . رومالورلر زمانندن
 قالمہ آئاردندر .

(*) موقتاً چینیلی کوشکک صحنہ سنہ وضع اولنان مزار طاشلریک
 اک مہملری بورادہ مختصراً تعداد و تعریف ایدلمشدر .

۱۰۲ — پیاصه مرمرده قبارنمه مزار طاشی.

محل ظهوری مجهولدر. ارتفاعی ۰,۶۵. وعرضی ۰,۸۱.
برجنسازه ضیافتی مصور اولوب اوچ ارکک و اوچ قادین
و برقاچ خدمتکاردن مرکبدر. صاغ طرفده برییلان بر آغاجه
صاریلمقده وصول طرفده بر آت قفاسی وقاعده سنده بر کتابه
کوریلور. رومالورلر آتارندندر.

۱۰۳ — پیاصه مرمرده قبارنمه مزار طاشی.

محل ظهوری استانکوی اطهسی. ارتفاعی ۰,۳۶. طولی ۰,۴۷.
برقادین و بر ارکک تصویرلرندن مرکب برجنسازه ضیافتی اولوب
ارقه طرفلرنده ارکک و قادین سکز کشتی کوریلور و بونلردن
بری برخنزیر کتور مکده در. یتاغک او بکنده و بر طابله اوزرنده
موضوع یمکک آراسنده برییلان و بر کوشده بر آت قفاسی
موجوددر.

۱۰۴ — پیاصه مرمرده قبارنمه مزار طاشی.

محل ظهوری مجهولدر. ارتفاعی ۰,۷۵.
برقادین و بر ارککدن عبارت برجنسازه ضیافتی اولوب ارا-
لرنده برییلان، صاغ طرفده بر آت قفاسی وزمینده قاسکه
وقلیجلر و سائر اشیا موجوددر. رومالورلر زمانندن قالمه آتارندندر.

۱۰۵ — ییاصہ مرمرده قبارنمه مزار طاشی.

محل ظهوری مجهولدر. ارتفاعی ۰,۴۶.
برارکک وبرقادین ایله خدمتکارلردن مرکب برجنازه
ضیافتی. رومالولر آثارندندر.

۱۰۶ — ییاصہ مرمرده (ستل).

محل ظهوری سلانیک. ارتفاعی ۰,۹۶.
مثلت الشکل برجبه اورتہ سنبده کل دمتی بولنوب صاغنده
اساطیر یونانیهدن بر (هرمس) وصولنده بر وازو کوریلور.
ستل بر کتابه ایله ایکی یه منقسم اولور. آلت واوست ظرفلرنده
جنازه ضیافتی مصورددر. رومالولر آثارندندر.

۱۰۷ — ییاصہ مرمرده قبارنمه مزار طاشی.

محل ظهوری سلانیک. ارتفاعی ۰,۸۷.
زروه سی بر (آقروتهر) ایله مزین بر مثلث جبهه اولوب
دروننده بر (مهدوز) قفاسی وارددر. التنده صاغ وصول طرفنده
قورنتین طرزنده ایکی بیوک دیرک بولنوب برکمر ایله مربوطدر.
وبوکمرک اوزرنده ده یونس بالقلمری والتنده ایسه ایکی کشیدن
مرکب برجنازه ضیافتی مصورددر. رومالولر آثارندندر.

۱۰۸ — ییاصہ مرمرده قبارنمه مزار طاشی.

محل ظهوری مجهولدر. ارتفاعی ۰,۵۴.
 برشخصدن عبارت جنازه ضیافتی اولوب زمینده ایکی ال
 رسمی واردر. رومالولرک عادی آثارندندر.

۱۰۹ — ییاصه مرمرده قبارنمه مزار طاشی.

محل ظهوری مجهولدر. ارتفاعی ۱,۱۰
 ایکی قسمدن عبارت اولوب یوقاروسنده درت کشیدن
 مرکب بر جنازه ضیافتی واشاغیسنده بر تراکیا آتلیسی مصوردیر.
 رومالولر آثارندن اولان بوطاشک رسملری بوزوقدر.

۱۱۰ — ییاصه مرمرده قبارنمه مزار طاشی.

بر جنازه ضیافتی تصویر ایدر. برارکک بریتاقده اوزانمشدر.
 زمینده پرکار و چکیج کبی ادوات مختلفه کورینور. رومالولر
 آثارندندر.

۱۱۱ — ییاصه مرمرده قبارنمه مزار طاشی.

محل ظهوری مجهولدر. ارتفاعی ۰,۷۱.
 اوزری کل دمتاریله مزین برکمری طوتمقده اولان ایکی
 دیرکک اراسنده بر ارکک و برقادیندن مرکب بر جنازه ضیافتی
 رسم اولنمشدر و بونک آلتنده ایسه برکلبک چکمکده اولان
 اساطیردن بر (هرمس پسیخوپومپ) طرفندن ایکی یه بولونمش

برکتابه موجوددر. رومالوردن قاله اولان اشبو طاشك
رسملری بوزوقدر.

۱۱۲ — ییاصه مرمرده قبارنه مزار طاشی.
محل ظهوری مدیللوده متمنو — ۱۳۰۷ —
ارتفاعی ۰,۴۲، وطولی ۰,۵۲

صاغ طرفده اوزرینه برییلان صاریلمقده اولان بر آغاج
و آغاجک یاننده ده بر اوتل موجود اولوب اوکنده ایاقده طو-
ران بر شخص ایله برکلب و برده سواری کوریلور. رومالورک
آتارندندر.

۱۱۳ — ییاصه مرمرده (ستل).
محل ظهوری مجهولدر. ارتفاعی ۰,۵۰.
ایکی ارکک ایاقده و برقادین اوطور مقده و برقاق کوچک
شخص دخی برابرلنده اولدینی جالده تصویر اولمشدر. برده
یونانی کتابه موجوددر. رومالورک آثار عادیه سندندر.

۱۱۴ — ییاصه مرمرده (ستل).
محل ظهوری سیمه. ارتفاعی ۰,۸۵.
بر ارکک ایاقده طور مقده اولوب صاغ طرفده بر کوچک
شخص وزمینده بر صندوق کوریلور. رومالور آتارندندر.

۱۱۵ — ییاصه مرمرده (منل).

محل ظهوری مجهولدر . ارتفاعی ۰,۷۵.

یاندن کورینور و تونیک تلبس ایتمش وایاقده طور مقده
اولان برقادین رسمی اولوب یاننده برده قوش کورینور .
صاغ وصول طرفلرنده ایکی دیرک واوزرنده برصچاق مرکوزدر .
رومالولر آئارندندر .

۱۱۶ — ییاصه مرمرده قبارنمه مزار طاشی .

محل ظهوری مجهولدر . ارتفاعی ۰,۱۰.

صاغ وصول طرفنده وایونیا طرزنده ایکی ستونه استناد
ایدلمش برصچاق اولوب التنده بر ارکک و برقادین و برقاچ
کوچک اشخاص مصورددر . رومالولر آئارندندر .

۱۱۷ — ییاصه مرمرده (منل).

محل ظهوری سلانیک . ارتفاعی ۱,۴۵.

اوچ قسمدن عبارت اولوب اک اوستنده بر تراکیا سوا-
ریسی والتنده یانمقده اولان براوتلک صاغ وصول طرفنده
برر ارکک رسمی ودها التنده وایاقده برارکک و برقادین رسملری
موجوددر . رومالولرک آئار عادیه سندنندر .

۱۱۸ — ییاصه مرمرده (منل).

محل ظہوری مجہولدر. ارتفاعی ۰,۶۲. — صاغ طرفی
قیریقدر.

اسکملہ اوزرنده او طور مقده اوله رق صاغده بر ارکک
و صولده بر قادین و ارالرنده ایاقده بر کنج شخص مصورددر.
قادینک ارقه سنده بر جاریہ و زمینده بر اوتل اوزرنده بر
(هرمس) تصویری کوریلور. رومالولر آئارندندر.

۱۱۹ — یاصہ مرمرده (ستل).

محل ظہوری مجہولدر. ارتفاعی ۱,۰۴ قسم علیاسی
قیریقدر و رسملرک باشلری نقصاندر.

صاغ طرفده بر قادین بر قولتق اوزرنده او طور مقده او-
لوب صاغ الیله باش اورتیسنی نظاملمقده و اوکنده کی جاریہ
دخی قوجاغنده بر چوجق طوتمقده در. رومالولر آئارندندر.

۱۲۰ — یاصہ مرمرده (ستل).

محل ظہوری مجہولدر. ارتفاعی ۰,۸۳.
ایکی ستون اراسنده بر حجرہ دن عبارت اولوب ایچنده قائماً
بر ارکک و بر قادین کوریلور. باشلری قیریقدر. زمینده
کتاب و چکمجه وسائر شیلر وارددر. رومالیلر آئارندندر.

۱۲۱ — یاصہ مرمرده (ستل)

محل ظهوری مجهولدر . ارتفاعی ۰,۷۱ .
 زروه سی (آقروتهر) له مزین برجبه دن عبارت اولوب
 قائماً بر ارکک و برقادین تصویرینی و بینلرنده بر (اوتل) اوزرنده
 ایاقده برچوجوق رسمنی حاویدر . رومالیلر آثارندندر .

۱۲۲ — یاصه مرمرده آز قبارنمه مزار طاشی .
 محل ظهوری (کیزیق) ارتفاعی ۰,۵۲ .
 صاغ طرفده او طوریمش برقادین و صول طرفده بر آتلی
 ارکک و بینلرنده قیصه بویلی و ایاقده بر شخص کوریلور . رومالیلر آثارندندر .

۱۲۳ — یاصه مرمرده مصنوع آز قبارنمه مزار طاشی .
 محل ظهوری (کیزیق) — ۱۲۹۸ — ارتفاعی ۰,۵۸ .
 ایکی ارکک رسمندن عبارت اولوب بونلردن بریسی بر
 اوکوز عربهنی سوق ایتمکده در . زمینده ایکی ال رسمی کو-
 ریلور . رسملری امثالنه نسبتله براز بوزوق اولان بو پارچه
 رومالیلر آثارندندر .

۱۲۴ — یاصه مرمرده (ستل) .
 محل ظهوری (سیمه) — ۱۳۰۸ — ارتفاعی ۰,۶۳ .
 (آقروتهر) لرله مزین مثلث الشکل برجبه دن عبارت اولوب

اوزری قرمزی بویا ایله بویانمش بر موتا یتاغنی وایاق اوجنده
احرامه بورونمش ایاقده برقادین رسمی ارئه ایتکده در .
یتاغک التنده برسها بولتمده در . یوقاریسندہ عائد اولدینی
شخصک اسمی محرردر .

۱۲۵ — یاصہ مرمرده (مثل).

محل ظهوری (سلانیک) ارتفاعی ۰,۲۴
برعصایه اتکا ایتمش روما عسکری اولوب التنده لاتین
حروفاتیلہ برکتاہ موجوددر .

۱۲۶ — یاصہ مرمرده (مثل).

محل ظهوری مجهولدر . ارتفاعی ۰,۶۸
برقادین و برارکک رسملرینک قسم علیاسنی ارئه ایدر .
رومالیلر آثارینک عادیلرنددر .

۱۲۷ — یاصہ مرمرده (مثل).

محل ظهوری مجهولدر . ارتفاعی ۰,۶۹
(آقروتهر) لرله مزین مثلث الشكل برجهہ اولوب مثلثک
ایچنده بر (تراکیا) سواریمی رسمی و (ستل) ک اوزرنده
برکنج آدم رسمی ایله قاسکه کیمش وقلنج و قالقان طومش
برمحارب رسمی کوریلور . رومالیلرک آثار عادیہ سنددر .

۱۲۸ — پیاصہ مرمرده آز قبارتمہ مزار طاشی .

محل ظہوری مجھولدر . ارتفاعی ۰,۶۵ .

برمدالیون ایچنہ آلمش برارک و برقادین قفاسندن
عبارتدر . رومالیلر آثارندندر .

۱۲۹ — پیاصہ مرمرده آز قبارتمہ مزار طاشی .

محل ظہوری مجھولدر . ارتفاعی ۰,۹۹ .

مثلت الشکل برجهہدن عبارت اولوب اشاغیسی ایکی یه
تقسیم اولمش وهربرنده دردر ارکک وقادین رسملرینک قسم
علیاسی تصویر ایدلمشدر . رومالیلر آثارندندر .

۱۳۰ — پیاصہ مرمرده مزار طاشی .

محل ظہوری مجھولدر قطری ۰,۶۶ .

برمدالیون ایچنده برارکک و برقادین رسمنک قسم علیاسی
تصویر اولمشدر . رومالیلر آثارندندر .

۱۳۱ — پیاصہ مرمرده مزار طاشی .

محل ظہوری مجھولدر . ارتفاعی ۱,۱۰ .

برمدالیون ایچنده برقادین رسمنک قسم علیاسی کوریلور .
رومالیلر آثارندندر .

۱۳۲ — یاصہ مردودہ (منل).

محل ظہوری (بروسہ) ارتفاعی ۷۶،۰.

(آقروتہر) لرلہ مزین مثلث الشکل برجہہدن عبارت او-

لوب بونک التندہ کی برجہہ درونندہ برقادین رسمی ودها

التندہ برکتاہ موجوددر. رومالیر آثارندندر.

۱۳۳ — یاصہ مردودہ (منل).

محل ظہوری (اردک) ارتفاعی ۸۳،۰.

ایکی دیرک اوزرینہ استناد ایدلمش برکمر اولوب التندہ

بر اراکک رسمی کوزیلور. رومالیر آثارندندر.

— انتہا —

بہرہ منافع و مالکیت

لغاتچه

و عشق آلهه سی (وہ نوس) ک اوغلی
اولوب عشق آلهی اوله رق قنادلی
چوجق هیئتندہ والندہ بر اوق یای
طوتمقدہ اولدیفی حالده تصویر
اولنور.

آریان **Arlane** . —

اساطیر یونانیہ دن منیوسک قیزی
اولوب بر دیوی اورمق اوزرم
کریده کیتش اولان آتہ قرالرندن
برینک اوغلی (ترہ) یه عاشق اولمش
و کندوسنه ویردیک براییک یوماغی
ایله طولاشیق بریردن قورتارمشدر
فقط صکرہ انکله قاچارایکن آریانی
(ناقوس) اطه سنہ برافش اولد
یغندن (باکوس) احیہ رق کندوسنی
ترویج ایتمشدر.

آستارته **Astarté** . —

(آفروریت) کلہ سنہ مراجعت اولنه.

اسکندر کبیر **Alexandre**.

قبل المیلاد ۳۵۶ تاریخندہ تولد
ایدوب یدری فیلیپ دن صکرہ
ماکہ دونیا قرالی اولمشدر. برچوق
محاربه لردن صکرہ ۳۲ یاشندہ
ایکن بابلده وفات ایدوب جنازه سی
دمشقہ قدر نقل اولندیفی تاریخچه
معلوم ایسه ده اورادن نه طرفہ

آتہنا **Athéna** . — ژو.

پیتړک قزی اولوب اساطیر یونانیہ ده
عقل و صنایع نفیسه آلهه سی زعم
اولنورایدی. رومالور بوکا (مینروا)
اسمی ویرلر ایدی.

آتیکا **Attique** . —

یونانستانک ولایتدن بری اولوب
مقر حکومتی آتہ ایدی.

آربل **Arbèles** . — بو

کونکی آربل قصبہ سنک اسم قدیمی
اولوب شهر زور سجاغنه تابع
برقضادر اسکندر کبیر قبل المیلاد
۳۳۱ ده محل مذکورده دارایہ
غلبہ ایتمشدر.

آرتہ میس **Artémis** . —

اساطیر یونانیہ دن (ژوپتیر) ک
(لاطونا) دن اولان قزی اولوب
صید آلهه سی عد اولنور ایدی.
رومالور (دیبان) نامنی ویرلر.

آرشیتراو **Architrave**.

— یونانیلرک و رومالورک اصول
معمار یسندہ دیرک باشقلرینک
اوزرینہ وضع اولنان قطعه درکہ
انک ده اوزرنده (فریز) ویا (قور-
نیش) لر بولنور.

آروس **Eros** . — کوزلک

نقل و نریمه دفن اولدینی مجهولدر.
بعض مور خینک روایتنه کوره
اسکندریه ده دفن اولمشدر .

أسکولاپ **Esculape** .

— اساطیر یونانیه دن (آپولون) نك
اوغلی اولوب یونانیر عندنده
طبابت آلهی عد اولنور ایدی .
رسملرنده دائمی برالنده طوتمقده
اولدینی دکنکه بریلان صارلمش
اولدینی خالده تصویر اولنور .

آفرودیت **Aphrodite** .

— قدیم یونانیر عندنده کوزللك
وعشق آلهسی عد اولنور ایدی .
رومالور (وه نوس) و فنیکه لور
دخی (آستارته) اسمی و پرلر ایدی .
أفر **Ephese** . — آیدین

ولایتده واقع قوش آطه سنه تابع
(ایاسلوغ) ناحیه سنک اسم قدیمدرکه
زمنه عتیقه ده اك مشهور شهرلردن
و محتوی اولدینی (دیان) معبدی
عجائب سبعة دن بری عد اولنور ایدی .

آقروتهر **Acrotère** . —

یونانجه دن مأخوذ اولوب انتها
ویا خود زروه دیمکدر . اینیه لرده
مثک الشکل جبهه لرك زروه سنه
ویا خود طامک گوشه لرینه وضع
اولنان استاتو ویا خود چیچک و سائر
نقوشه علم اولمشدر .

آمازون **Amazone** . —

اساطیر قدیمیه متعلق اولوب
سامسون جوارنده ساکن قادینلر .
دن عبارت برقوم موهومه تسمیه
اولنورکه جسارت و شجاعت لرله
شهرت بولمشلرایدی . آت اوزرنده
و محاربه ایتمکده اولدقلى خالده
تصویر اولنورلر .

آمور **Amour** . — (أروس)
کلمه سنه مراجعت اولنه .

آنته فیکس **Antéfixe** . —

اصول معماری عتیقه کیره میدلرك
انتها سنه و صیغاك اوزرینه وضع
اولنان طیراقدن ویا خود مرمردن
مصنوع ترینات .

آنتروپوئید **Anthropoi** . —

یونانجه شبه انسان
دیمکدر . جسد انسانی تقلیداً
یاپیش اولان لحدله (آنتروپوئید
لحد) اسمی ویریلور . فنیکه لورلك
لحدلی کی . بعضاً بونلرك شکلری
مصر لحدلرینه دخی مشابه اوله .
بیلدیکی کی بعضاً دخی انلرده یونانی
صنایع نفیسه سنک اثری کوریلور .

اوتل **Autel** . — معابد

عتیقه دروننده یا خود خارجنده
بولنان مدور ویا خود گوشه لی طاش
طابله لره اطلاق اولنورکه انلرك او .
زرنده اساطیر معبودلرینه قربانلر
تقدیم اولنور ایدی .

باشلری اوزوم یارقلیله ترین و
وجودلری کیك پوستیله ستر اولمش
اولدیغی حالدده تصویر اولنورلر.

باکوس **Bacchus** . —

اساطیر یونانیه دن (ژوپیتر) ك
(سه مله) دن اولان اوغلی اولوب
شراب الهی عد اولنور ایدی.

بریاقیس **Briaxis** .

— اسکندر کبیر عصرنده برحیات
اولان مشهور بریونانی هیکل تراشدر.

پاروس **Paros** . — جزایر
یونانیه دن برکوچك اطه اولوب
ازمنه قدیمده بیاض مرمریله
شهرت بولمشدر .

پانتلیك یاخود پنته لیقتون

Pentélique . — آتنه ایله

ماراتون بیننده برطاغك اسمی
اولوب بیاض مرمری مشهوردر .

پسیده **Psyche** . —

اساطیر یونانیه دن (آمور) ك معشو.

قه سی اولان غایت کوزل برکنج
قیزك اسمیدرکه دائما ایکی کله بك
قنادیله تصویر اولنور .

پشت **Pschint** . — قدیم

مصر حکمدارلرینك سرپوشنه تسیمه
اولنور .

بولیقل **Polyclète** . —

یونانستانده واقع آرغوس شهرنده
قبل المیلاد ۴۵۰ تاریخلرنده پشا.
مقدمه اولان مشهور برهیکل تراشدر.

اورن **Urne** . — ازمنه

قدیمده احراق اولنان بدپرست
موتالرینك كولنی حفظ ایتكه
مخصوص طیراقدن ویاخود مرمر
دن مصنوع وازولره اطلاق اولنور.

یئسوس **Issus** . — اسکند.

رون جوارنده براووهك اسم عتیقی
اولوب اسکندر کبیر ایله دارا بیننده
محل مذکورده بیوك برمحاربه وقوع
بولمشدر .

ایونیا **Ionie** . — قدیم

یونانیلر زماننده اناطولیده کدیز
نهری ایله جنوبنده مندرس نهری
اراسنده بولنان اراضیه تسیمه
اولنوب اون ایکی عدد بلاد مشهو.
ره دن مرکب ایدی. سیسام اطه.
سیله ساقز اطه سی دخی آکا داخلدر.

ایونیک مسلکی **Ordre**

ionique . — اصول معماری

قدیمك مسالك ثلثه سندن بریدر .

بیزانتین **Byzantin** .

— بیوك قسطنطین رومالور
حکومتك مقرنی رومادن بیزانسه
یعنی استانبوله نقل ایلدیکی تاریخدن
اعتباراً استانبولك قتحنه قدر مرور
ایدن زمانك تاریخنه وصنایعنه
ومسکوکاتنه تسیمه اولنور.

باقات **Bacchante** . —

اساطیردن باکوسك ارقداشلری
عد اولنان قادیلره تسیمه اولنوب

rique . — اصول معماریء عتيقه جاري اولان مسالك نلته نك اك قديميدر .

ديان **Diane** . — (آرته . ميس) كله سنه مراجعت اولنه .

ديوريت **Diorite** . — برنوع سرت طاش اولوب سياه نوعي مصرده هيكلرده و سارقو . فازلرده استعمال اولنمشدر .

ديوسكورلر **Dioscures** . — اساطير يونانيه دن (ژوپيتر) ك اوغللري و ترووا محاربه سته سبيت ورن (هلنا) نك برادرلري اولوب برينك اسمي (قاستور) و ديكرينك اسمي (پوللوکس) ايدي .

روزاس **Rosace** . — فن معماریده كل شكلنده كي تزيينات .

ره ليف **Relief** . — قبارتمه رسملره دنيلوب (آزقبارتمه) و (نوكسك قبارتمه) ديو ايكي قسمه آيريلور .

ژوپيتر **Jupiter** . — اسا . طيرك اك بيوك الهی اولوب رو مالولر (ژوپيتر) و يونانيلر (زهوس) نامني ويررلرايدي .

ژهني **Génie** . — اساطير قديمده هرا انسانك حياتنه نظارت ايدن وانكله فوت اولان پيرله تسميه اولنور .

ساتراپ **Satrape** . — قديم ايرانيلرک واليرينه تسميه اولنورايدی .

پيتان **Pitane** . — انا . طولی ساحلنده واقع چاندارلی نك اسكي اسميدر .

ترال **Tralles** . — آيدين شهرينك اسمي قديمي اولوب خرابه . لرندن بعض اثار الان شهرک ارقه طرفنده كي تيله رده كوريلور .

تورس ستوني **Colonne torse** . — اوزري حلزوني چكلمش ديركلره تسميه اولنور .

تونيك **Tunique** . — اقوام قديمه نك تلبس ايتدكلري او . زون براحرامه اطلاق اولنور . تهزه **Thésée** . — اسا . طير يونانيه دن برجنكاورك اسميدر . — (آرييان) كله سنه دخي مرا . جعت اولنه .

تيمپان **Tympan** . — (فرونتون) كله سنه مراجعت اولنه . تيار **Tiare** . — عجم و پارس و مدلكي اقوام قديمه شرقيه نك باشلرينه كيدكلري برنوع كلاه .

خلاميد **Chlamyde** . — قديم يونانيلرک تلبس ايلدكلري برنوع قيصه كوملك اسميدر كه اكثريا كنجلر اسب سوار اولدكلري وقت قوللا . نيرلرايدي .

خيتون **Chiton** . — اقوام قديمه نك تلبس ايتدكلري برنوع اوزون احرام .

دوريك مسلکي **Ordre do-**

طیر یونانیسه به منسوب بر انسان
موهوم جنسی اولوب یاری انسان
ویاری ات والنده اوقیای اولدیغی
حالده تصویر اولنور .

سیپ **Cippe** . — مدور
ویاخود کوشه لی و بعضاً ساده
ویاخود نقوش ایله مزین و طاشدن
معمول مزار طاشی .

سیدون **Sidon** . — بیروت
ولایتیه ملحق صیدا قضاسنک
مرکزی اولان صیدا قصبه سنک
اسم عتیقیدرکه طول مدت فئیکه لو-

لرک مقرر حکومتی واک جسم شهری
ایدی . ازمنه قدیمده جام معمول-
تنک منشائی اولمغله مشهور ایدی .
سیلنه **Silène** . — اساطیر

قدیمه دن باکوسک استادی اولوب
اختیار و شیشمان و برونی قرمری
ودائماً متبسم و سرخوش اولدیغی
حالده واکثریا بر مرکب اوزرینه
بینش اوله رق تصویر اولنور .

سیمه **Cymé** . — ازمین
ولایتی داخلنده فوجه قضاسنه تابع
نامورد نام موقعک اسم قدیمی اولوب
ازمنه عتیقه ده بر شهر عظیم ایدی .

سمی **Symi** . — ردوس
جوارنده واقع سومبکی اطه سنک
اسم قدیمدر .

غره قو - رومن **Gréco-romain** . — یونانستانک
رومالور طرفندن استیلا اولنده

ساتیر **Satyre** . — اساطیر
یونانیه دن باکوسک ارقداش لرینه
تسمیه اولنوب اکثریاسیوری قولاقلی
وایکی کوچک بونوز والنده برقدح
یاخود بر سازه ایله تصویر اولنور لر .

سارکوفاز **Sarcophage** .
— یونانجه دن مأخوذ اولوب
موتای دفن ایتمکله مخصوص طاش
ویا طیراق ویاخود قورشوندن
مصنوع قیاقلی لحد و صندوقه یه
تسمیه اولنور .

ستاتو **Statue** . — طاشدن
و مرمر دن ویا طونج ویاخود اغاجدن
الخ مصنوع وجهات اربعه سی
ایشلمش هیکلره تسمیه اولنور .

ستل **Stèle** . — قدیم یونا
نیرایله رومالورک مزار طاش لرینه
تسمیه اولنور که اوزرنده یازی
و تصاویر بولنور ایدی .

سفنکس **Sphinx** . — اسل
طیر یونانیه دن دیشی بر دیوک
اسمی اولوب قسم علیاسی قادی
باشی و قسم سفلاسی ارسلان وجودی
اوله رق تصویر اولنور . بعضاً
قنادلری دخی واردر .

سنت ئیره ن **Ste. Irène** .
— باب همایون داخلنده حریبه
انباری نامیله مشهور اولان بناتک
اسم قدیمدر .

سنتور **Centaure** . — اسل

قد نصكره كي زمانه تسميه اولنوب
قبل الميلا ده ايكنجي عصر دن بدأيله
بعد الميلا ده برنجي عصر ك نهايته
قدر يعني ايمپراطور آغستوسك
زمانه قدر دوام ايتشدرد. دور
مذكوره صنايع نفيسه يونانيه
انقراضه ميل ايتشدرد.

غريفون **Griffon** — اسلا
طير قديمه ده وجودي ارسلا نه
وباش وقنادلري قرتاله مشابه
بر حيوان موهمدر كه قوت وسر-
عته علامت ايدى.

فرونتون **Fronton** .
— بر بنانك يوز طرفنك قسم
علاسانده كي جبهه مثلثيه اطلاق
اولنوب مثلثك دروننه دخي (تيميان)
نامي ويري لور. ازمنه قديمه معابدينك
اكثريا ايكي طرفنده فرونتونلر
بولنه رق درونلري دخي انواع
تصاوير ايله مزين ايدى.

فرهسك **Fresque** .
ديوار اوزرينه صولو بوي ايله ياپيلان
رسملره تسميه اولنور.

فريز **Frise** . — فن معما
ريده ابنيه نك صفاغى ايله (ارشى-
تراو) بيننده كي قطعه يه تسميه او-
لنور كه معابد يونانيه ده بوقطه نك
اوزرنده اكثريا غايت مصنع قبارقه
رسملر بولنور ايدى.

فنيكيا **Phénicie** .
ازمنه قديمه ده سوريه نك شمال

سواحله تصادف ايدن قطعه سته
تسميه اولنور ايدى كه باشليجه لاذقيه
و طرابلس شام و جبل و بيروت
و صيدا و صور و الخ شهرلرندن
مراكب ايدى. فنيكه لولر امم سا.
ميه دن اولوب لسانلري عبراني و
سرياني لسانلرينه مشابه ايدى.

فهدرا **Phèdre** . — اسلا
طير يونانيه دن مينوسك قيزي اولوب
آته قرالي (تهزه) نك زوجه سيدر.
قادريز **Quadrige** . —
ازمنه قديمه ده درت آت قوشولمى
ايكي تكرلكلى عربله ره تسميه او-
لنور ايدى.

قارياتيد **Caryatide** . —
ابنيه ده ديرك خدمتى ايفا ايدن
اياق اوزرنده كي قادين هيكليدير.
قلازومن **Clazomène** .
— ازمير كورفزي داخلنده اورله
قصبه سنك اسم قديمدر كه ايوونيانك
اون ايكي بلاد مشهوره سندن برى
ايدى.

قولكسيون **Collection** .
— مواد مختلفه دن يكديكرينه
مناسبتى اولان اشيانك بر اصول
ويا فته تطبيقاً طولانميسنه تسميه
اولنور كه (مجموعه) نامي دخي ويري له
يلور. مسكوكات قولكسيوني
و حيوانات و نباتات قولكسيوني
و سارقوفاز قولكسيوني كي.

قورينتین مسلکي **Ordre**

مله آغر **Méléagre** . —

اساطیر قدیمه عائد (قاله دونیا)
قرالی آیدی . جنوار لر ایله اولان
مجادله لری مشهور در . قدیم
هیکل تراش لر طرفندن آت اوزرنده
وجنوار آوله مقده اولدینی حالد
تصویر ایدلمشدر .

موزول **Mausole** . —

(قاریا) یعنی بوکونکی منتشا سنج
غنه تصادف ایدن قطعه نك حکمداری
اولوب قبل المیلاد ۳۷۷ سنه سنده
برحیات آیدی . وفاتندن صکره
زوجه سی (ارته میسیا) هالیقارناس
ده یعنی بوکونکی بودرومده برتره
بنا آتمشدر که عجائب سبعة دن بری
آیدی بوسیدن تره لره (موزوله)
اسمنی ویرلر .

مه آندر **Méandre** . —

ترینه تاه متعلق بر نوع کیر یفتلی
نقوشه تسمیه اولنور . از میر ولا
یتدن اقان مندرس چای نك رسم
ایتدیکی زیق زاقلی خطدن طولانی
اکا دخی ازمئه قدیمه ده (مه آندر)
نامنی ویرلر آیدی که مندرس اندن
غلطدر .

مه دوز **Méduse** . — اسا

طیر یونانیسه ده مشهور اولان اوج
جادودن بریدر . عن اصل کندوسی
غایت حسنی وصاچلری کوزل برقر
اولدینی حالد صکره دن صاچلری
یتلانه تحویل اولنش وکندوسنه ده

Corinthien . — فن معملا

ری عتیقه جاری اولان مسالك
ثلثه دن اوچخیسیدر .

کیزیک **Cyzique** . — مر

مره دکزینک آناطولی ساحلنده و
باندومه جوارنده واقع (بلیس قلعه)
نام موقعك اسم قدیمدر که ازمئه
عتیقه ده اك مهم واك جسیم شهر
لردن بری عد اولنور آیدی .

لاپیت قومی **Lapithes** .

— اساطیر یونانیه دن بر قوم مو
هوم اولوب تسالیا طاغلرنده بو
لنور لر آیدی . (سنتور) لر ایله محاربه
ایدرک آنلره غلبه لری مشهور در .

لوتوس **Lotus** . — مصره

مخصوص بر نوع نبات اولوب چیچک نك
رسمی اکثریا فن معماریده استعمال
اولنور .

لیر **Lyre** . — مختلف شکله

بر موسیقی سازینه تسمیه اولنور .

ایزپ **Lysippe** . —

اسکندر کبیرك زماننده بر حیات
اولان مشهور بر هیکل تراشك اسمیدر .

لیکیا **Lycie** . — اطالیه

سنجاغ نك ساحلنده کی قطعه یه تسمیه
اولنور .

ماراتون **Marathon** . —

آتنه جوارنده واقع بر اووه نك
اسمی اولوب قبل میلاد ۴۹۰ تا
ریخنده یونانیلر ایله مجملر بیننده وقو
عبولان محاربه ایله شهرت بولمشدر .

کيمه نظر ايدرسه اتی طاشه تبديل
ایتمک خاصه سی ویرلمشدر . اکثریا
یا لکر بر باش اوله رق تصویر اولنور .
میله **Milet** . — آیدینده
واقع سوکه قضا سنه تابع بلاط نام
قریه نك اسم قدیمیدر که از منة عتیقه ده
ایونیایی . تشکیل ایدن اون ایکی
بلاددن بری اولوب مصر ایله اولان
مناسبات تجاریه سندن طولانی نك
مهم بر شهر عظیم ایدی .

ناقسوس **Naxos** . — جزائر
یونانسه دن بر آله نك اسمی اولوب
اساطیردن آریانك سرگذشتی ایله
مشهوردر .
نیسه **Nicée** . — ازینك
اسم قدیمیدر .

ووتیف **Votif** . — نزره
متعلق اولان شیئه دینور .
وهنوس **Vénus** . — (آفره
دیت) کله سنه مراجعت اولنه .

ویقتوار **Victoire** . —
اساطیر قدیمه دن غالبیت الهه سی
اولوب قنادلی والنده برخما دالی
طوتمقده اولدینی حالده تصویر اولنور .

هاليقارناس **Halicar-nasse** . — بو کونکی بودرم
قصبه سنك اسم قدیمیدر . (موزول)

کله سنه دخی مراجعت اولنه .

هرمس **Hermès** . —
اساطیر قدیمه دن (ژوبیتر) ك اوغلی
اولوب تجارت و سارق الهی والهر
ساعیسی ایدی . باشنده اوفق قنادلی
برشابقه والنده ینه ایکی قنادلی
وايکی ییلان صاریلمش بر عضا اولدینی
حالده تصویر اولنور . رومالور
اکا (مرقور) اسمی ویرلر .

هیپولیت **Hippolyte** . —
اساطیردن (تهزه) نك اوغلی اولوب
کویا بر قباحث ایتش دیهرك (فدرا)
طرفندن ناحق یره محکوم ایدلمش
و پدری دخی کندوسنی طرد
ایلدیکندن قحار ایکن عربه دن دوز
شهرك فوت اولمشدر . فقط بالاک
خره قباحثزلکی تحقق ایتش و
(فدرا) دخی کندینی اولدیرمشدر .

هیژی **Hygie** . — اساطیر
یونانیه دن اسکولابك قیزی وصحت
آلهه سی اولوب دایما اوزون بر اهرام
تلبس ایتش والنده بر ییلان طوتمش
اولدینی حالده تصویر اولنور .

هینه روغلیف **Microg-lyphe** . — قدیم مصریونك
بر طاقم رسملردن عبارت اولان
یازوسیدر .

